

PALO BAKENG SA BEKE EA THAPELO
TS'ITOE 6 - 14, 2024

Ho Rapela Kamehla

Baefese 6:18

www.sda1844.org

Litaba



International Missionary Society
Seventh-day Adventist Church,
Reform Movement
General Conference

625 West Avenue
Cedartown, GA 30125, USA

Info@sda1844.org
+1 770 748 0077
www.sda1844.org

SELELEKELA

3

Palo ea 1

Labohlano, Ts'itoe 6, 2024

HO RAPELA O SA EMISE

Ellen G. White

6

Palo ea 2

Sabatha, Ts'itoe 7, 2024

JESU LE THAPELO

Humberto Avellaneda, Colombia / U.S.A.

9

Palo ea 3

Sontaha, Ts'itoe 8, 2024

THAPELO EA MORENA

Elijah Zwane, Swaziland

14

Palo ea 4

Labobeli, Ts'itoe 10, 2024

RAPELLA LIRA TSA HAU

Pablo Hunger, Argentina / U.S.A.

21

Palo ea 5

Laboraro, Ts'itoe 11, 2024

HEALING PRAYER

Idel Suarez, Jr., U.S.A.

—

Palo ea 6

Labohlano, Ts'itoe 13, 2024

HO RAPELA KAMEHLA

By Danilo Monterroso, Guatemala

25

Palo ea 7

Sabatha, Ts'itoe 14, 2024

THAPELO NAKONG EA BOFELO

Tzvetan Petkov, Bulgaria/U.S.A.

29

Selelekela

Baena le likhaiseli Moreneng, re le lumelisa ka tsamaiso ea lentsoe le halalelang: “Se phetseng ho rapela.” 1 Bathesalonika 5:17.

Lipolelo tsa moapostola Paulose li na le boleng le bophetheho. Ea pele, o re memela ho rapela. Thapelo ke ketso ea ho bua le Molimo. Ha re rapela re bua le Ntate ‘me re ‘molella maikutlo a rona, mathata, esita le litabatabelo. Ka bokhuts’oanyane, re mophetlela lipelo tsa rona. Ke tlotla e kakang! Mora le morali e mong le e mong oa Molimo o tlameha ho ea teroneng ea mohau. Jesu o bonts’itse mohopolo ona ha a re, “Kopa, ‘me o tla fuoa;...”

Ho bohlokoa hore re kope Molimo seo re lakatsang ho se fumana hotsoa ho Eena. Krete o phethetse thuto ea Hae ka sehlooho sena thutong ea thabeng ka ho re, “... Ntat’a lona ea maholimong o tla fetisa hakakang ka ho nea ba kopang ho eena tse molemo?” Mattheu 7:7, 11. Ha ho khonahale ho fumana ntho e itseng ho Molimo ha re sa e labalabele, re bile re sa e kope. Ke ‘nete hore motho e mong le e mong (ho kenyeletsa le ba sa lumeleng boteng ba Molimo) o fumana tse ngata ho hlaha ho Molimo asa li kopa, joalo ka mpho ea bophelo, moea oo re o hemang, letsatsi le futhumatsang lefats’e, le lijo tse hlahisoa ke mobu. Empa likarolo tse ling tsa bophelo li ka fetoloa kapa tsa ntlafatsoa ha fela motho a kopa ho Molimo, e leng Moetsi oa bophelo, bakeng sa bona.

Nahana ka sena: Ho kabe ho etsahetseng Egepeti nakong ea lilemo tse supileng tsa tlala ho Josefa ea seke ea eba ‘Musi? Kapa hoja Daniele le metsoalle ea hae e meraro ba ne ba se lekhotleng la Babilona har’a ba bohlale? Eena esita le ba bang ba bangata ba Bibeleng e ne e le banna ba tumelo le thapelo. Joseph o ile a tlatlapuo a ‘me a rekisoa ke baena ba hae e le lekhoa. Hoja a ne a sa tiisoa ke thapelo, a ka be a ile a ts’osoa ke maemo ao a fetileng har’a oona. Hoja Daniele, joalo ka mohlanka oa morena Nebukadnesare, ha aka a its’etleha thapelong, Molimo akabe a sa atleha ho mo tsebisa toro ea morena le ha ele koahollo ea eona. Morena o ile a khahloa ke ho tiea le sebopeho sa

moprofeta enoa; ‘me kamor’a hoba le maiphihlelo a khethehileng le Molimo, morena o ile a mo phahamisa a mo hlompha mantsoeng a hae a ho qetela a ngotsoeng. Daniele 4:37.

Mohlala o hlolang ka ho fetisisa oa thapelo mangolong ‘ohle a halalelang ke Morena le Mopholosi oa roma, Jesu Krete. Thapelo ho Ntate oa Hae e ne e le eona phefumoloho ea Hae. Thapelo e ne e se khetho fela, empa e ne e le bophelo bakeng sa moea oa Hae. O ne a tseba hore topollo ea motho e its’etlehile ka thapelo e joalo, e bonolo empa e tiile mothehong oa eona. Efela ka bomali-mabe, batho ba bangata ba iphanyetsa eona. Ke ka hona mantsoe a buang ka Jesu a totobetseng hakana: “Me a geta bosiu a ntse a rapela Molimo.” Luka 6:12.

Topollo ea motho e mong le e mong e ne e its’etlehile ho bolokeng molao hoa Krete. Hona hokabe ho sa khonahala bothong ba Hae hoja a ne a sena kamano e phethahetseng hakalo le Ntate oa Hae. ‘Me le ho rona ho joalo. Ha ho khonahale ho phela bophelo ba tlhola kantle le ho hlahisa tloaelo ea thapelo, joalo ka ha lengolo le bululetsoeng le bolela: “Hore re tle re hlahise semelo seo Molimo o ka se amohelang, re lokela ho bopa litloaelo tse nepahetseng bophelong ba bolumeli. Thapelo ea kamehla e bohlokoa le ho kholo mohaung, esita le bophelong ba semoea ka kotloloho, joalo ka lijo bakeng sa bophelo bo botle ‘meleng.” *Messages to Young People*, p. 114.

Lentsoe la pele la hlooho-taba bakeng sa Beke ena ea Thapelo le bonts’a ketso e tsoelang pele- “Ho rapela.” Empa ke ntho e fetisang, hoba thapelo ke taelo e halalelang. Molimo oa tseba hore re lokela ho fumana boteng ba Moea o Halalelang hore re tle re hlole lintoa tsa moea le hore re hlole litekong

tsohle tseo sera se re tlisetsang tsona. Kahonay, ha re tiile, re tla elelloa hoba sepheo se seholo sa sera ke hore mora le morali e mong le e mong oa Molimo a se ke a tsotella thapelo; 'me rea tseba ena ke ntho e bobebe hakae mehleng ena eo re potiloeng ke lintho tse ngata hakana.

Ntlha ea bobeli ea bohlokoa mantsoeng a moapostola Paulose ke "kamehla." Ha se thapelo ea hola le hola e re neang bokhoni ba ho aha matlo a rona holim'a lefika le ho hlola sera ha se tla ho re leka lehoatateng la maphelo a rona lefats'eng lena.

Baena le likhaiseli tse ratehang, palo e 'ngoe le e'ngoe Bekeng ena ea Thapelo e re biletsa ho batla sefahleho sa Molimo ka thapelo. Likopano tsohle tse tlabang nakong ena e khethihileng, ha eke e be tse hlophisehileng likerekeng tsohle, mahae, esita le marang-rang. Sabatha sa ho qetela etlaba sa boitimo, sa thapelo, le sa ho fana. Thuto ea ho qetela etla fetisoa


e le thuto nakong ea ts'ebeletso, e lateloe ke ho bokelloa hoa likabelo tse khethihileng bakeng sa *General Conference* ho theha le ho ts'ehetsa lits'imo tse ncha tsa bosebeletsi. Motho e mong le e mong o kopuo a ho ngola envelopeng e ts'etseng likabelo tsa hae, temana e bonts'ang tabatabelo ea hae ea moea le teboho. Ha re etseng ka hohle kamoo re ka khonang nakong ena hore re kopane le baena le likhaiseli tsa rona bakeng sa ho bala.

Ka lipelo tsa rona tsohle, re rapela ho Ntat'a rona ea maholimong ho re matlafatsa ka ho fetisang le ho re lokisetsa lintoa tseo re kopanang le tsona kajeno le tseo re tla tobana le tsona matsatsing atlang. Amen.

—*Brothers and sisters of the General Conference*

RAPELA O SA EMISE

Ellen G. White



Thapelo ea kamehla e bohlokoa bakeng sa ho hola mohaung, esita le bophelong ba moea ka bona, joalo ka lijo bakeng sa bophelo bo botle 'meleng. Re tlameha ho itloaetsa ho nyollela mehopolo ea rona ho Molimo ka thapelo. Ha kelello e lelera, re lokela ho e khutlisa; ka ho phehella ho etsa, qetellong tloaelo e tla e nolofatsa. Ha ho le ka mohlaleng re ka ikarolang ho Krete ka polokeho. Re ka ba le boteng ba Hae ho ba le rona mohatong o mong le o mong, empa ke fela ha re latela

lipehelo tseo Eena ka bo-Eena a li behileng. *Messages to Young People*, p. 115.

Le ha Krete a neile barutuo ba hae ts'episo ea ho re ba tla fumana Moea o Halaleng, sena ha sea ka sa tlosa tlhoko ea ho rapela. Ba ile ba rapela ka ho fetisa ka tieo; ba ile ba tsoela pele thapelong ka bonngoe. Bao ba leng mosebetsing o moholo kajeno oa ho lokisetsa batho bakeng sa ho tla hoa Morena, ba tlameha ho tsoela pele joalo thapelong. *Gospel Workers*, p. 371.

Ha ba [Barutuo ba Jesu] ka ba ela hloko temoso e phetiloeng ka makhetlo, "Lebelang le rapele." Qalong ba ne ba ts'oenyehile ke ho bona Monghali oa bona, eo hangata a neng a kokobetse hakaalo a bile a na le seriti, a loana le mats'oenyeho a ke keng a utloisisoa. Ba ile ba rapela ha ba utloa lillo tse matla tsa ea hlokofatsoang. Ba ne ba sa ikemisetsa ho furalla Morena oa bona, empa ba bonahala ba ne ba holofetse ke boroko boo ba ka beng ba ile ba bo leleka hoja ba ile ba tsoela pele ho

kopa Molimo. Ba ne ba sa elelloe tlhokeho ea ho lebelala le thapelo e tiileng ho hanela moleko._*The Desire of Ages*, p. 688.

Maiphihlelo a barutuo a Ts'imong ea Gethesemane a ts'etse thuto bakeng sa batho ba Molimo kajeno.... Ba ne ba sa elelloe tlhokeho ea ho lebelala le thapelo e tiileng ho hanela moleko. Ba bangata kajeno ba robetse boroko bo boholo, joalo ka barutuo. Ha ba lebele 'me ha ba rapele ba tle ba se ke ba kena molekong. Ha re baleng kamehla le ho ithuta ka hlokolosi likarolo tseo tsa lentsoe la Molimo tse buang ka ho khetholoha ka matsatsi ana a ho qetela, tse supang likotsi tse tla tlela batho ba Molimo._*In Heavenly Places*, p. 97.

Thapelo ke bophelo ba moea

Thapelo ke tlhoko; etsoe ke bophelo ba moea. Thapelo ea lelapa, thapelo e bulehileng; li na le sebaka sa tsona; empa ke kopano ea lekunutu le Molimo e bolokang bophelo ba moea._*Education*, p. 258.

Ka makhetlo a mangata letsatsi le leng le le leng la bohlokoa, linako tsa khauta li lokela ho khetheloa thapelo le boithuto ba mangolo, haeba ke fela ka ho boloka temana ka hloohong, bophelo ba moea bo ka bang teng moeeng. Lithahasello tse fapaneng tsa merero li re fa lijo tsa boitekolo le khotatso bakeng sa lithapelo tsa rona. Kopano le Molimo e bohlokoa haholo

bakeng sa bophelo bo matlafetseng ba semoea, 'me ke teng fela moo ho ka fumanoang bohlale le ho ahlola ho nepahetseng ts'ebetsong ea mesebetsi eohle._*Testimonies for the Church*, vol. 4, o. 459.

Hoja bao ba bolelang lintlha tse tiileng tsa temoso bakeng sa nako ena ba ka elelloa boikarabello ba boa ho Molimo, ba ne ba tla lemoha tlhokeho ea thapelo e tiileng. Ha metse e ne e khutsitse borokong bo boholo har'a mpa ea bosiu, ha monna e mong le e mong a se le ntleng ea hae, Krete, e leng mohlala oa rona, o ne a lokisetsa ho ea thabeng ea mehloare, 'me moo, tlasa meriti ea lifate, o ne a qeta bosiu bohle a rapela. Eena eo a neng a hloka lits'ila tsa sebe-ntlō ea matlotlo a mahlohonolo; eo lentsoe la hae le ileng la utluoa tebelong ea bone ea bosiu ke barutuo ba ts'ohileng holim'a sefelo sa leoatile, ka lehlohonolo la leholimo; le eo lentsoe la hae le bitsang bafu mabitleng a bona-ke Eena ea entseng kopo ka lillo le ka meokho. O ne a sa rapele bakeng sa Hae, empa e le bakeng sa bao a tiileng ho ba pholosa. Joale ka ha a fetohile mokopi, o batlile letsohong la Ntata'e phaello e ncha ea matla 'me o hlahile a nchafetse 'me a matlafetse e le moemeli oa motho. O ipeile le batho ba ts'oenyehileng, 'me a ba nea mohlala oa tlhokahalo ea thapelo. Semelo sa Hae se ne se sena le phatsa ea sebe.

Joalo ka Mora oa motho, O rapetse ho Ntata, e le ho

bonts'a hore popo ea motho e hloka ts'ehetso eohle ea bomolimo eo motho a ka e fumanang hore a tle a hlomelloe bakeng sa mosebetsi 'me a lokisetsoe mats'oenyeho. Le joalo ka Khosi ea Bophelo, o bile le matla le Molimo, 'me a busa bakeng sa batho ba Hae. Mopholosi enoa, ea neng a rapella ba neng ba sa utloe tlhokeho ea thapelo, 'me a llela ba neng ba sa utloe tlhokeho ea likhapha, joale o kapel'a terone, ho amohela le ho hlahisa kapele ho Ntata'e likopo tsa bao a ba rapelletse ha ale lefats'eng. Mohlala oa Krete ke oa rona ho o latela. Thapelo ke tlhoko ts'ebetsong ea rona ea ho pholosa meea. Ke Molimo fela ea ka holisang peo eo re e jalang._*Gospel Workers*, pp. 28, 29.

Kholo ea moea e its'etlehile ka thapelo

Hoja ho ne ho le teng har'a rona ho rapela ho fetang, ts'ebeliso ea tumelo e phelang, le ho its'etleha ho fokolang ka batho ba bang hore ba be le maiphihlelo bakeng sa rona, re ka be re le hole haholo le moo re leng teng kajeno bohlaeng ba moea. Seo re se hlohang ke maiphihlelo a tebileng, a motho ka mong ka pelo le moea. Ke moo re tla tseba ho bolela tse etsoang ke Molimo le kamoo A sebetsang kateng. Re lokela hoba le maiphihlelo a phelang linthong tsa Molimo; 'me ha rea bolokeha kante le hore re rue sena. Ho na le ba bang ba nang le maiphihlelo a matle, ebe ba

o bolella ka 'ona; efela ha u a kala, u elelloa hoba ha se maiphihlelo a nepahetseng, hobane ha a tsamaellane le 'Ho rialo Morena'. Ha eba e teng nako nalaneng ea rona eo re lokelang ho ikokobetsa bomong ba meea ea rona pel'a Molimo, ke kajeno. Re hloka ho atamela Molimo ka tumelo ho tsohle tseo a li ts'episitseng lentsoeng, 'me re tsamaee khanyeng le matleng ao Molimo o a fanang._*Review and Herald, July 1, 1909.*

"Bolumeli bo tlameha
ho qala ka ho ts'olla
le ho hloekisa pelo,
'me e lokela ho
nonts'oa ka thapelo
ea letsatsi le letsatsi."

._*Testimonies for the
Church, vol. 4, p. 535.*

Ho loketse joalo, ho bile ho bohlokoa joalo, ho rona ho rapela hararo ka letsatsi joalo kaha ho ne le ho Daniele. Thapelo ke bophelo ba moea, motheo oa kholo ea semoea. Lelapeng la hau, kapele ho lelapa la heno, le kapele ho basebetsi, u lokela ho paka ka 'nete ena. 'Me ha u le lehlohonolo ho kopana baena ba hau kerekeng, ba bolelle ka tlhokeho ea ho lula o butse mecha ea puisano lipakeng tsa Molimo le moea. Ba bolelle hore ha ba ka ba fumana pelo le lentsoe ho rapela, Molimo o tla fumana likarabo tsa lithapelo tsa bona. Ba bolelle hore ba se hlokomolohe mesebetsi ea

bona ea bolumeli. Khothaletsa baena ho rapela. Re lokela ho batla hore re tle re fumane. Re lokela ho kopa hore re tle re fue, re lokela ho kokota hore re tle re buleloe mamati._*Signs of the Times, February 10, 1890.*

Ka ts'ebeletso ea boprists ea Bajuda re hopotsoa kamehla ka sehlabelo le boemeli ba Krete. Bohle ba tlang ho Krete kajeno ba lokela ho hopola hore makhabane a Hae ke monko oa libano o tsoakang lithapelo tsa ba sokolohang libeng tsa bona 'me ba fumana ts'oarelo ea libe le mohau. Tlhoko ea rona ea boemeli ba Krete ke ea kamehla. Letsatsi le letsatsi, mesong le mantsibuea, pelo e ikokobelitseng e lokela ho nehela lithapelo tseo ho tsona ho tla buseletsoa likarabo tsa mohau le khotso le nyakallo. "Ka baka leo, a re hlahiseng kamehla ho Molimo ka eena sehlabelo sa poko, e leng tholoana ea melomo e boelang lebitso la Hae. Le se ke la lebala ho etsa batho hantle, le ho fana; hobane Molimo o khahlisoa ke mahlabele a joalo." Baheberu 13:15, 16._*Seventh-day Adventist Bible Commentary, vol. 6, p. 1078.*

Ho hlaha lapeng le leng le leng la Bokreste, leseli le halalelang le lokela ho khanya teng. Lerato le lokela ho bonts'ahatsoa ka liketso. Le lokela ho phalla likamanong tsohle tsa lelapa, le iponahatsa ka mosa, ka bonolo, le ka tlhompho e hlokanong boithati.

Hona le malapa moo thuto ena e nts'etsoang pele- moo Molimo o rorisang le lerato la 'nete le renang. Malapeng ana thapelo ea hoseng le ea mantsibuea li nyolohela ho Molimo e le libano tse monko o monate, esita le mehauhelo le litlhothonolofatso tsa Hae li theohela joaloka phoka ea hoseng holim'a ba kopang._*Patriarchs and Prophets, p. 144.*

Ka ho latela Krete, ho sheba ho Eena eo eleng Moqali le Mophethi oa tumelo ea hau, u tla utloa hoba o sebetsa tlas'a leihlo la Hae, hore u susumetsoa ke boteng ba Hae, le hore o tseba merero ea hau. Mehatong eohle u tla botsisisa ka boikokobetso: A see se tla thabisa Jesu? Na se tla rorisa Molimo? Hoseng le mantsibuea lithapelo tsa hau li lokela ho nyolohela ho Molimo bakeng sa mahlohonolo le tataiso. Thapelo ea 'nete e its'oarella ka Ea matla 'ohle 'me e re nea tlholo. Ha a oela mangoleng a hae, Mokreste o fumana matla a ho hanela moleki._*Testimonies for the Church, vol. 4, pp. 615, 616.*

Thapelo e hokahanga moea le leholimo

Bao ba tla apara lihlomo tsa Molimo le ho nehela nako e itseng letsatsi ka leng bakeng sa ho nahanisisa le thapelo, esita le ho ithuta Mangolo, ba tla hokahangoa le leholimo, 'me ba tla rua ts'usumetso e bolokang e fetolang ho ba ba poileng. Mehopollo e meholo,

cheseho e khabane, kutloisiso e hlakileng ea 'nete le ho sebeletsa Molimo, tseo e tla ba tsa bona. Ba tla tjantjella bohloeki, le leseli, le lerato, le mehauhelo eohle ea tsoalo ea leholimo. Lithapelo tsa bona tse tiileng li tla fetela kamor'a lesira. Sehlopha sena se tla ba le sebete se halalelitsoeng ho tla boteng ba Rabosafeleng. Ba tla utloa hoba leseli le khanya ea leholimo ke tsa bona, 'me ba tla nonts'oa, ba phahamisoe, ba tlotloe ke kutloano ena e monate le Molimo. Eo ke eona melemo ea Bakreste ba 'nete. *Testimonies for the Church, vol. 5, pp. 112, 113.*

Inehle ho Molimo hoseng, fetola sena mosebetsi oa hau oa mantlha. Thapelo ea hau ha e ke e be, "Nkuke, Oho Morena, ke le oa Hau ka botlalo. Ke beha merero eohle ea ka maotong a Hu. Nts'ebelise kajeno mosebetsing oa Hau. Lula le 'na, ha mesebetsi ea ka eohle e its'etlehe ka Uena." Taba ena ke ea kamehla. Hoseng ho hong le ho hong ipehe ho Molimo bakeng sa letsatsi leo. Nehela merero ea hau eohle ho Eena, ho tsamaisoa kapa ho nehloa kamoo likomelo tsa Hae li boletseng. Kahoo letsatsi le letsatsi o tla be o beha bophelo ba hau liatleng tsa Molimo, 'me kahoo bophelo ba hau bo tla ntlafatsoa le hofeta ka ho ts'oana le bophelo ba Krete. *Steps to Christ, p. 70.*

Phefumoloho ea pele ea moea hoseng e lokela hoba ea boteng ba Jesu. "Ntle ho 'na," ho bolela Jesu "le ke ke la etsa

letho." Ke Jesu eo re mo hlokang, leseli la Hae, bophelo ba Hae, moea oa Hae, li tlameha ho ba tsa rona kamehla. Re mohlaka hora e'ngoe le e'ngoe. Hape re lokela ho rapela hoseng hore joalo ka ha letsatsi le khanyetsa lithaba, 'me le tlatsa lefats'e ka khanya ea lona, le rona letsatsi la ho loka le bonese kelello le pelo, 'me le re khants'e kahohle pel'a Molimo. Kantle ho Eena re ke ke ra phela le motsoana o le mong. Sera sea tseba ha re rera ho phetha ho hong kantle ho Morena oa rona, 'me se teng se malala-a-laotsoe ho tlatsa likelello tsa rona ka mehopolo e mebe hore re tle re putlame ho tieeng hoa rona; efela ke cheseho ea Molimo hore motsotso le motsotso re lule le Eena, ka mokhoa o joalo re tle re phethehe ho Eena. *My Life Today, p. 15.*

Ha ho letho le ntlafatsang bophelo bo botle 'meleng le moeeng ho feta moea oa teboho le thoriso. Ke boikarabello bo molemo ho hanela mahlomola, esita le mehopolo kapa maikutlo a tlisang masoabi-joalo ka ha e le boikarabello ho rapela. *The Ministry of Healing, p. 251.*

Hore re tle re hole bophelong ba moea re lokela ho teba thapelong. Ha molaetsa oa 'nete o ne o phatlalatsoa la pele ho rona, ke hakakang re ileng ra rapela. Ke hangata hakae lentsoe la borapelli le neng le utloahala liphaposing, molikong, serapeng, kapa merung. Hangata re ne re qeta nako thapelong e tiileng, ba

babeli kapa ba bararo ba kopa lits'episo; hangata lentsoe le bokollang le ne le utloahala, e ntoba la teboho le lipina tsa thoriso. Joale letsatsi le atametse ho fete ha re ne re qala ho lumela, 'me joale re lokela ho tiea hofeta, ho thahasella le ho cheseha, ho feta matsatsing ao a pele. Mahlomola a rona a fetisa a nakong eo. Meea e thatafetse hofeta. Re hloka ho tlatsoa joale ka moea oa Krete, 'me ha rea lokela ho phomola ho fihlela re o fumana.

Lithapelo tsa rona li lokela ho tlala ka bonolo le lerato. Ha re labalabela temoho e tebileng e pharalletseng ea lerato la Mopholosi, re tlameha ho llela bohale bo fetisang ho Molimo. Haeba e teng eo ho kileng hoa hloka hloka lithapelo le lithuto tse sisinyang moea, ke ena. Bofello ba lintho tsohle bo haufi. E se e ka re ka lemoha ka nepo tlhokeho ea ho batla Morena ka pelo eohle. ke moo re tla mo fumana. Ha Molimo o ke o rute batho ba Oona mokhoa oa ho rapela. *God's Amazing Grace, p. 92.*

"Thapelo ke tlhoko; etsoe e le bophelo ba moea. Thapelo ea lelapa, ea phatlalatsoa, li na le sebaka sa tsona; empa ke puisano ea lekunutung le Molimo e bolokang bophelo ba moea."

—Education, p. 258.

JESU LE THAPELO

Humberto Avellaneda, Colombia / U.S.A.

“**M**ohlomong ha

Jesu a le sebakeng se seng, a rapela; eitse hobane a qete thapelo ea Hae, e mong oa barutuo a ba Hae a re ho Eena: Morena re rute ho rapela joalo ka ha Johanne le eena a ratile barutuo a ba hae.” Luke 11:1.

Ke hobaneng barutuo a ba Hae ba ile ba kopa Jesu ho ba ruta ho rapela? Na ekaba ke hobane ba ne ba sa tsebe ho rapele kapa ba ne ba sa rapele ka nepo? Ba ne ba ile ba bona Jesu ha a rapela ba lakatsa ho rapela joalo ka Eena. Ena e lokela hoba kopo ea rona ea kamehla, haholo-holo ka Beke ena ea Thapelo: “Morena, re rute ho rapela.”

Ho Bajuda, thapelo e ne e le karolo ea bophelo le khumamelo. Lithapelo tse

ngata li hlaha bukeng ea Lipesaleme le likarolong tse itseng tsa Mangolo a Baheberu. Hase ntho e neng e sa tsebisahale ho barutuo a ba Hae. Ba ne ba tseba lithapelo tsa mekete tsa baetapele ba tumelo ba Bajuda. Empa ea re ha ba talimile Jesu ba elelloa hoba ho na le phapang e kholo lipakeng tsa thapelo ea bo-rabi le ea Jesu, e leng se ba susumelitseng ho etsa kopo ena, “Morena re rute ho rapela.” Jesu ke Mohlala oa rona thapelong, etsoe e ne karolo ea bohlokoa bosebeletsing ba Hae. O ne a rapela mesong hosale lefifi, mots’eare, le linakong tse ngata ka bosiu bohle. Mohlala o motle hakakang bakeng sa rona. Hofeta moo, thapelo ea Hae e ne e fapane le tseo barutuo a ba neng ba tloaetse ho li utloa.

“Barutuo a ba Krete ba ne ba khahluoe haholo ke lithapelo

tsa Hae le ke tloaelo ea Hae ea ho buisana le Molimo. Ka letsatsi le leng kamor’a ho ba hojana le Morena oa bona, ba Mo fumana a ntse a ikakhetse thapelong. Ho ne ho bonahala asa lemohe boteng ba bona, a tsoelapele ho rapela ka lentsoe le phahameng. Lipelo tsa barutuo a li ile tsa hlokoleka. Ea re ha a emisa ho rapela, ba re, ‘Morena, re rute ho rapela.’” *Review and Herald, August 11, 1910.*

Baena le likhaitsetsi, bophelo ba Mopholosi lefats’eng ebile ba puisano le Ntate oa Hae, ba thapelo. E ne e le mohlala bakeng sa rona, hoba o senotse sephiri sa bophelo bo matlafetseng. Ha re shebeng lintlha tse ling tsa bohlokoa tsa Jesu le thapelo.

**Jesu o ne a rapella
matla a ho mamella
liteko**

Jesu, e leng Mor'a Motho, o ne a rapela ho Ntate oa Hae, a re bonts'a hore motho o hloka ts'ehetso eohle e halalelang ho fumana matla bakeng sa liteko le mosebetsi oa hae. "Ke ba seng bakae ba ikemiselitseng ho latela bohloki ba Hae bo makatsang, ho mamella mahlomola le lihloriso tsa Hae, le ho arolelana mosebetsi oa Hae o khathatsang oa ho tliša ba bang leseling. Krete ke Molaoli oa poloko ea rona, 'me ka mahlomola a Hae le sehlabelo O fane ka mohlala ho balateli ba Hae hore bolebeli le thapelo, le boikitlaetso bo pheellang, li fela li hloka hlahlakoreng la bona hore ba tle ba bonts'e ka nepo lerato le lutseng pelong ea Hae bakeng sa moloko o oeleng." *Testimonies for the Church, vol. 2, p. 664; Lift Him Up, p. 242.*

"Ha Jesu a ne a isitsoe lefelleng ho ea lekoa, O ne a isitsoe ke Moea oa Molimo. Ha aka a mema moleki. O ile lefelleng ho ea ba mong, ho nahanisisa thomo le mosebetsi oa Hae. Ka boitimo le thapelo o ne a itukisetsa tsela ea mali eo a tlo e tsamaea. Ke joang a lokelang ho qala mosebetsi oa Hae oa ho lopolla bats'oaruoa ba hlokofoa ke mosenyi? Nakong ea boitimo ba Hae bo bolelele, leano lohle la mosebetsi oa Hae e le molopolli oa motho le ile la rapalatsa pel'a Hae." *Selected Messages, book 1, p. 227.*

Linako tsa bosiu tsa thapelo tseo Mopholosi a li qetileng thabeng kapa lehoatateng li ne li le bohlokoa ho mo lokisetsa liteko tseo a neng a lokela ho kopana le tsona matsatsing a lateng. O ne a utloa tlhokahalo ea ho khatholla le ho matlafatsa moea le 'mele, A tle a tobana le liteko tsa Satane; 'me ba pheellang ho phela bophelo ba Hae ba tla utloa tlhokahalo e ts'oanang." *Maranatha, p. 85.*

Jesu o ne a rapela ho lokisetsa mosebetsi e itseng

Taba ke ena e thahasellisang bophelong ba Jesu ba thapelo eo re e lemohang: Bohle re etsa liqeto tse bohlokoa maphelong a rona a letsatsi le letsatsi—malapeng, kerekeng, mosebetsing, le tse ling. Potso ke hore: Ke nako e kae eo re e fang thapelo pele re ka etsa liqeto tsee kapa re nts'etsa mosebetsi ea rona pele?

Joalo kaha re bone, ha Jesu a ne a haufi le ho qala mosebetsi oa Hae, ho latela mangolo, Moea o Halaleng o ile oa mo isa lefelleng. Moo teng a ileng a nehele matsatsi a mashome a mane ho itima lijo le ho rapella matla bakeng sa thomo e hlokolosi, e liphephetso e neng e larile kapele ho Eena. Empa eo e ne e se eona fela ketsahalo moo Morena Jesu a qetileng nako e ngata thapelong; o ne a rapela le pele a qala mosebetsi o bohlokoa. "Matsatsing ao, a tsoela thabeng ho rapela, 'me a

qeta bosiu a ntse a rapela Molimo. Ha letsatsi le chabile, a bitsa barutuo ba Hae, 'me har'a bona a ikhethela ba bang ba leshome le mesto e 'meli, bao a ba reileng baapostola." Luka 6:12, 13.

Pale ena e hapa thahasello eaka ha e re, "'me a qeta bosiu a ntse a rapela Molimo" Temana ena ha e re, "'me a qeta metsotsoana e se mekae" kapa "a nka nakoana ho rapela". Che, o qetile bosiu bohle thapelong. Ka letsatsi le hlahlamang, eba o tla beha ba leshome le metso e 'meli, 'me o ne a rata ho etsa khetho e nepahetseng. Baena le likhaitseli, potso ke hore: O qetitse neng ho qeta bosiu bohle o buisana le Molimo? Kapa mohlomong eona hora thapelong? Letsatsing leo o neng o ilo khetha mosali oa hau kapa monna lona, kapa ha o ne o nka qeto ea ho kolobetsoa? Kajeno, re bua ka Jesu le thapelo. Ke hakakang re lokeng ho ithuta ho Monghali oa rona.

"Jesu, ha ane a lokisetsa teko e itseng e kholo kapa mosebetsi o itseng oa bohlokoa, o ne a ee a fetohela boinotsing ba lithaba 'me a qeta bosiu bohle a rapela ho Ntate oa Hae. Bosiu ba thapelo bo ne bo etelle pele tlotso ea baapostola le thuto ea thabeng, ponahalo e khanyang ea Jesu, mats'oenyeho a ntlo ea kahlolo le sefapano, le khanya ea tsoho." *The Ministry of Healing, p. 509.*

"Ha a ne a se a phethile mosebetsi oa Hae oa letsatsi, o ne a tla tloha, mantsibuea

kamor'a mantsibuea, a tsoe pherekanong ea motse, 'me sebopeho sa Hae eba se tla inama joalo ka sefate se seng se phomotse thapelong ho Ntata'e. Ka nako e'ngoe, mahlaseli a khanyang a khoeli a ne a khanya holim'a sebopuo sena se inameng. 'Me ka linako tse ling maru le lefifi li ne koahela khanya ena eohle. Phoka le serame tsa bosiu li ne li oela hlooho le litelu tsa Hae asale moeeng oa thapelo. Hangata o ne a nts'etsa pele likopo tsa Hae bosiu bohle. Ha re ka hopola sena, 'me ra etsoa joalo ka Eena, re ka matlafala haholo ho Molimo." _*Prayer, p. 174.*

Jesu o ne a ena le libaka tse khethehile tsa ho rapela

Ha re buisana ka sebaka se khethehileng sa thapelo, ke hopola sekeolong sa Boromuoa moo ke neng ke na le sebaka morung moo ke neng ke thabela ho ea 'me ke rapele bosiu. Se neng se thahasellisa, ke hoba ke ne ke bua ke notsi le Molimo, ke lla ke ts'olla moea oa ka, 'me ke bolella Jesu lintho tsohle. Ka nako e'ngoe ha ke ne ke fihla sebakeng seo, moithuti 'moho e mong eba o fihlile pele ho 'na, 'me a ntse a rapela teng. Eba re tla rapela 'moho.

Morena Jesu le Eena o ne a na le libaka tse khethehileng moo a rapellang teng; ha barutuoa ba ne ba batla ho kopana le Moruti oa bona, ba

ne ba tseba moo ba ka 'matlelang teng.

"Eare hosasa, a tsoha esale ka meso a tsoa tlung, 'me a ea felleng a rapela teng. 'Me Simone le ba nang le eena ba ea 'matla. Eare ha ba 'mona, ba 'molella, ba re: Bohle ba u batla." Mareka 1:35-37.

Qotsulo ena e bua ka tloelo ea Hae ea ho phomola mahoatateng. Hoo ke hore, Jesu o ne a batla libaka tse nepahetseng tse khutsitseng e le hore atle a be haufi le Ntate oa Hae.

"Eitse hobane a khutlise mats'oele, a nyolohela thabeng ho ea rapela ka thoko. A phirimeloa a sale hona teng a 'notsi."

Mattheu 14:23.

"Eaba oa tloha, a ea thabeng ea Mehloaare, ka temalo ea Hae; 'me barutuoa ba Hae ba mo latela. Eare ha a fihlile teng, a re ho bona: Rapelang hore le se kene molekong. A nto ea hojana le bona, sebaka se ka fihleloang ke lejoe ha le betsoa, a khumama ka mangole a rapela." Luka 22:39-41.

"Eba le sebaka bakeng sa thapelo ea sephiri. Jesu o ne a na le libaka tse khethehileng bakeng sa ho buisana le Molimo, 'me le rona re lokela hoba le tsona. Re tlameha ho phomolela sebakeng se itseng, leha se khutsitse, moo re ka ikhutsang le Molimo boinotsing." _*Thoughts from the Mount of Blessings, p. 84.*

Ha ke ntse ke sebetsa ke le Moevangeli naheng ea heso,

ke ile ka etela motse o monyane moo baholo ba seng bakae ba kereke ba neng ba lula, e leng moo kamore e'ngoe ka tlung e ileng ea hapa thahasello ea ka. E ne e hlophuo ka makhethe e le tafole le litulo tse fokolang, le liphoustara tse neng li na le litemana tsa Bibe. Sena e ne e le sona sebaka sa bona sa thapelo. Hararo ka letsatsi, hoseng, mots'eare, le mantsibuea, ba ne ba ea teng ho rapela. Ha hone hona le motho ea ba etetseng ka nako eo, ba ne ba mo mema hoba le bona, 'me ba ne ba sa sebelise sebaka seo bakeng sa eng kapa eng e'ngoe. Ha ho letho haese Bibe le neng le buuo sebakeng seo, 'me seo se ile sa tliša khahleho e kholo ho 'na hofihlela kajeno. Ho bohlokoa hakakang, baena le likhitseli, le lona metsoalle, ho rona hore re be le sebaka se khethehileng bakeng sa thapelo, sebaka sa ho bua le Molimo, le sebaka sa ho mo mamela letsatsi le letsatsi.

Banna le basali ba atlehileng ho bonts'ahatsa semelo sa Krete le bao ebileng mehlala e phethehileng ea lefats'e ba qetile nako e ngata le Molimo, e ngata hoo tloaelo ena e bileng ea fetoha karolo ea bohlokoa maphelong a bona.

Martin Luther o bonts'itse maiphihlelo a Hae tjena: "Ha motho a ke ke a nka lihora tse peli thapelong hoseng ho hong le ho hong, sera se tla mo hlola boeleng ba letsatsi. Ke na le lintho tse ngata tseo nkekeng ka li khona kante le ho qeta

lihora tse tharo ka letsatsi thapelong.” Polelo ea hae e ne e le hore: “Eo ea rapetseng hantle o ithutile hantle.”

“Lefifi la bobbe le likalikelitse ba hlokomolohang ho rapela. Liteko tse sejoang tsa sera li ba hohela sebeng; tsena tsohle ke hobane ba sa sebelise menyetla eo Molimo o ba neileng eona ka tlotla e halalelang ea thapelo. Ke hobaneng ha bara le barali ba Molimo ba kikitlala ho rapela, ha thapelo e le senotlolo ka letsohong sa tumelo ho bula ntlo ea polokelo ea leholimo, moo ho bolokiloeng lithoko tse fetisisang tsa Matla ‘ohle?” *Steps to Christ*, p. 94.

“Ha bao ba lumisang meloli e tiileng ea temoso bakeng sa mehla ena ba ka lemoha boikarabello ba bona ho Molimo, ba ne ba tla bona tlhokahalo ea thapelo e tiileng. Ha metse e ne e khutsitse borokong bo boholo har’a mpa ea bosiu, ha monna e mong le e mong a se le ntlong ea hae, Krete, e leng mohlala oa rona, o ne a lokisetsa ho ea thabeng ea mehloaare, ‘me moo, tlasa meriti ea lifate, o ne a qeta bosiu bohle thapelong....

“Ha botho bo ne bo le holim’a Hae, O ile a utloa tlhoko ea Hae ea matla ho Ntate oa Hae. O ne a na le libaka tse khethehileng tsa thapelo. O ne a rata ho buisana le Ntata’e boinotsing ba lithaba. Ka ketso ena, moea oa Hae o halalelang oa botho o ne o matlafatsoa bakeng sa mosebetsi le liteko tsa letsatsi.” *Prayer*, pp. 18, 173.

Jesu o ne a rapella ba bang

Jesu Krete o ne a fumana matla kamehla a hlahang holimo a ho fihlela motho. Mangolo a re bolella hore: “...’me lentsoe leo le le utloang ha se la ka, empa ke la Ntate ea nthomileng.” Johanne 14:24. Kahona, o ne a fumana mantsoe a pholoho ho a bolella ba bang letsatsi le letsatsi.

“Hobane le eena Mor’a motho ha a ka a tlela ho sebeletsoa, empa e le ho sebeletsa, le ho neela bophelo ba Hae ho ba topollo ea ba bangata.” Mareka 10:45.

“Eseng bakeng sa Hae, empa e le sa ba bang, O phetse, a nahana, a rapela. Ho tloha lihoreng tseo a li qetileng le Molimo o tsamaile meso ka meso, ho tliša leseli la leholimo ho batho. Letsatsi le leng le le leng O ne a fumana kolobetso e ncha ea Moea o Halalelang. Lihoreng tsa hoseng tsa letsatsi le lecha Molimo o ne a motsosa borokong ba Hae, ‘me moea oa Hae le molomo oa Hae li ne li tlotsoa ka mohau, hore a tle a o nee ba bang. Mantsoe a Hae o ne a a fuoa a le macha ho hlaha makhohleng a leholimo, mantsoe ao a neng a tla a bua ka nako e nepahetseng ho ba khathetseng le ba hlokofoetsoang. ‘Morena Jehova o ‘neile leleme la ba rutehileng, ke tle ke tsebe ho khothatsa ea khathetseng ka lentsoe la ka. Ke eena ea ntsosang ka meso eohle, ea bulang litsebe tsa ka, ke tle ke tsebe ho mamela ka mokhoa oa ba rutoang.’ Esaia

50:4.” *Christ’s Object Lessons*, p. 139.

“Hangata o ne a rapela bosiu kaofela. Ha metse e ne e khutsitse borokong, mangeloi a ne a mamela likopo tsa Mopholosi. A talima Mopholosi a iname thapelong, moea oa Hae o tsietsoe mahlomoleng. O ne a sa rapelle Eena, empa o ne a rapella bao a tiileng ho ba pholosa. Lithabeng tsa Galilea le lifateng tsa mehloaare Moratuo oa Molimo o ne a rapella baetsalibe teng. Joale a ntoo tla ho ba sebeletsa, leleme la Hae le ts’oeroe bocha ka mollo o phelang.” *Signs of the Times*, September 5, 1900: *Pastoral Ministry*; p. 282

Qetello

Baena le likhaitseli, Morena Jesu o re nea memo etsoe re le matsatsana fela hole le ho fela hoa selemo sena, 2024. Mohlomong re iphumana re le maamong a boima, re jere mathata a fapaneng, ‘me re le thokoana le Monghali ea Halalelang. “Tloong kathoko feelleng, le phomole hanyenyane.” Mareka 6:31.

Ha re ka mamela lentsoe la Hae, re tla matlafala ‘me re be molemo ho fetisa pele. Barutuo ba ne ba batla Jesu, ba ‘Molella lintho tsohle; ‘me o ne a ba khothatsa a ba ruta. Kajeno ha re ka nka nako ra ea ho Jesu ‘me ra ‘molella lithoko tsa rona, re ke ke ra soaba; O tla ba letsohong la rona le letona ho re thusa.” *The Desire of Ages*, p. 363.

“Ts’imo ea Gethesemane e ne e le har’a libaka tse neng li eteloa hangata. Ke hona lithuto tsa Krete mabapi le thapelo li lokela ho talingoa ka kelo-hloko. Hona le mahlale a

“Our Father which art in heaven,
Hallowed be thy name.
Thy kingdom come,
Thy will be done in earth,
as it is in heaven.
Give us this day our daily bread.
And forgive us our debts,
as we forgive our debtors.
And lead us not into temptation,
but deliver us from evil:
For thine is the kingdom,
and the power,
and the glory, for ever. Amen.”

Matthew 6:9-13



sebakeng sena, moo e neng e re ha motse oa Jerusalema o khutsitse har’a mpa ea bosiu, eba Jesu o tla ea teng ho bua le Ntate oa Hae. Ha bao a neng a ba sebeletsa lets’eare lohle ba ea e mong le e mong ntlong ea hae, Jesu, re bala hore ‘a ea thabeng ea Mehloaare.’ Ka linako tse ling O ne a ea le barutuo ba Hae sebakeng sena sa phomolo, hore ba tle ba kopanye lithapelo tsa bona le ea Hae. Ka thapelo Krete o ne a fumana matla le Molimo, ‘me a hlola. Hoseng ho hong le ho hong, le mantsibuea a mang le a mang, O ne a fumana mohau hore A tle a o fetisetse ho ba bang. Joale, ha moea oa Hae o se o nonts’itsoe ka mohau le matla, eba O tla tsamaea hoea sebeletsa meea ea batho.”_Signs of the Times, July 15, 1908; Pastoral Ministry, p. 282.

halalelang thapelong, ‘me le liponts’o tsa Hae li bonahatsa lits’ia tseo bohle ba tlamehang ho li utloisisa. O bonts’a seo e leng moea oa ‘nete oa thapelo, O ruta bohlokoa ba ho pheella ho bolella Molimo likopo tsa rona, esita le ho re tiisetse ka ho boikemisetso ba Hae ba ho utloa le ho araba lithapelo.”_Christ’s Object Lessons, p.142.

Baena le likhaitseli hohle moo le teng, kajeno, hofeta neng kapa neng, re hloka hoba le maiphihlelo a tebileng, maiphihlelo a thapelo a joalo ka a Jesu. E se e ka Beke ena ea Thapelo eka re atametsa haufi le sebopeho sa rona se halalelang. Hape o hopole, Mopholosi oa tla haufinyane. Itukise! Amen.

THAPELO EA MORENA

Elijah Zwane, Swaziland

“Ka nakoana e seng kae

barutuo a ba ile ba sutha pela Morena oa bona, ho khutleng hoa bona ba mofumana a le puisanong le Molimo. Ka ho bonahala a sa elelloe boteng ba bona, a 'na a tsoela pele ho rapela ka lentsoe le utloahalang. Sefahleho sa Mopholosi se ne se bonesitsoe ka khanya ea leholimo. O ne a bonahala a le boteng ba Ea sa bonoeng, 'me ho ne hona le matla a phelang mantsoeng a

Hae joalo ka a motho ea buang le Molimo.”_ *Thoughts from the Mount of Blessing*, p. 102.

Mopholosi oa rona o ne a utloisisa lintho tse tharo tsa mantlha ntoeng le bobbe. O ne a utloisisa ho tiea hoa mosebetsi oo a tlleng ho o phetha. O ne a utloisisa bokhuts'oane ba nako o a neng ana le eona ho qeta mosebetsi ona. Hape O ne a utloisisa sebopeho sa ntoa eo Satane le matla 'ohle a lefifi a e loanang khahlanong le Eena ho fumana tlhola holima lefats'e le ba ahileng ho lona.”Hobane ntoa ea rona ha

e loane le nama le mali, empa e loana le baholo le mebuso, le marena a lefifi la lefats'e lena, le meea e bolotsana e sebakeng sa leholimo.” Bafilipi 6:12. Ke fela ka thapelo Krete a ileng a hlola.

“Mohlomong ha Jesu a le sebakeng se seng a rapela; eitse hobane a qete thapelo ea Hae, e mong oa barutuo a ba Hae a re ho Eena: Morena, re rute ho rapela joalo ka ha Johanne le eena a rutila barutuo a ba hae.” Luka 11:1. Ho latela litaba tsa Luka, eitse ha barutuo a ba elelloa katleho e tlelang mosebetsi oa Jesu le bongata bo mo latelang hohle

moo a eang, a ntse a ruta a folisa ba kulang, ba ile ba elelloa hore o atleha ho phetha tsohle ka lebaka la nako ea thapelo eo e leng letlotlo ho Eena. Kamor'a mosebetsi oa letsatsi le le lelele, hangata eba o tla siea barutuo ba Hae ho ea sebakeng se thokoana moo a tla rapela a 'notsi 'me a fumane matla bakeng sa letsatsi ka leng.

Hobaneng ho ne ho le bohlokoa ho ithuta ho rapela? Esita le Johanne mokolobetsi, e leng moetellipele oa Jesu, o rutile barutuo ba hae ho rapelo. Jesu o boetse a re, "Falimehang, le rapele, hore le se kene molekong." Mattheu 26:41. Empa lebaka le leng le fumanoa ho Jakobo 4:3: "Lea kopa, 'me ha lefuoe, kahobane le kpa hampe." Mohlomong o rapetse ho fihlela boemong boo o neng o utloa eka Molimo ha a arabe lithapelo tsa hau. Mohlomong o botsitse lipotso tse ngata empa o sa fumane likarabo, hofihlela o ba o hloka ts'epo. 'Nete ke hore Molimo ha o na phoso. Ha re tsebe ho rapela le ho atamela terone ea mohau. Ts'episo ea Molimo e lutse e le ea 'nete 'me e tiile, "Kopang 'me le tla fuoa." Mattheu 7:7.

Ho arabela kopo ea barutuo ba Hae, Jesu o ile a ba ruta thapelo e "bonolo hoo eka amoheloang le ke ngoana e monyenyanane, efela e pharaletseng hoo moelelo oa eona o ke keng oa utloisisoa ka botlalo ke likelello tse

kholo ka ho fetisisa. Re ruta ho tla ho Molimo ka liteboho tsa rona, ho tsebahatsa litlhoko tsa rona, ho bolela libe tsa rona, le ho batla mohau oa Hae ho latela ts'episo ea Hae." *Thoughts from the Mount of Blessing*, p. 103.

"Ntat'a rona ea maholimong"

"Jesu o re ruta ho bitsa Ntate oa Hae Ntat'a rona. Ha ana lihlong tsa ho re bitsa banabab'o. Baheberu 2:11. Pelo ea Hae e malala-a-laotsoe hakakang, e chesehela hakakang ho re amohela re le litho tsa lelapa la Molimo, hoo mantsoeng a pele ao re tla a sebelisa ho atamela Molimo O beha tiiso ea likamano tsa rona tse halalelang, 'Ntat'a rona.'" *Thoughts from the Mount of Blessings*, p. 103.

Kamor'a tsoho ea Hae, ha Jesu a hlaha ho Maria, o ile a mo thibela ho mots'oara hobane a eso ho nyolohela ho Ntata'e, A re ho eena, "... u ee ho banabes'o, u re bona: Ke nyolohela ho Ntate, e leng le Ntat'a lona," Johanne 20:17.

"Ka bophelo ba Hae le lefu la Hae, Krete o fihletse le ho feta tsosoloso ts'enyeng e bakiloeng ke sebe. E ne e le morero oa Satane ho tlisa karohano e sa feleng lipakeng tsa Molimo le motho; efela ka Krete re kopana le Molimo ka botebo ho fetisa le hoja re sa ka ra

oela. Ka ho apara sebopeliso sa rona, Mopholosi o ile a itlamella le motho ka tlamo e ke keng ea khaoha le ka mohla. Ho isa le mengoaheng ea bosafeleng O ntse a hokahane le rona.... Molimo o nkile sebopeliso sa motho ka Mora oa Hae, 'me o nketse bona botho boo leholimong le holimo-limo.'" *Reflecting Christ*, p. 45.

Ke ka hona moapostola Paulose a itseng, "Ka baka leo, a re atameleng ka ts'epo terone ea mohau, hore re tle re bone mohau, 'me re fumane lereko, re tle re thusoe nakong e loketseng." Baheberu 4:16.

"Ka ho bitsa Molimo Ntate oa rona, re talima bana bohle ba Hae e le baena ba rona. Bohle re karolo ea tepo e kholo ea motho, re litho tsa lelapa le le leng. Ha re etsa likopo tsa rona, re lokela ho kenyeletsa bahaisane ba rona esita le rona. Ha ho ea rapelang ka nepo ea ipatleng tlhonolofatso bakeng sa hae a 'notsi.'" *Thoughts from the Mount of Blessing*, p. 105.

Re se ke ra ba le moea oa Kaine, ea itseng hase eena molisa oa ngoanab'o. Hape re se ke ra iphapanetsa ba bang, joalo ka moprista le mo-Levi, joalo ka ha Krete a boletse sets'oants'ong sa mo-Samaria ea Molemo. Ho ena le hoo, re lokela ho ts'oana le Josefa. O siile ntlo ea Ntate oa Hae ho batlana le banabab'o tlokotsing ea ho lematsoa kapa hona ho lahlehelo ke bophelo. Re

kolota bahab'o rona, ekaba ka lapeng, baahi-'moho, mosebetsing, kapa sekolong. Ba bangata ba lahlehile 'me ba hloka motho ea tla ba supisa tsela e isang sefapanong. Mohlomong ba bang ke baeti lefats'eng la batho ba bang, ha bana metsoalle leha e le ts'epo. Re lokela ho siea boiketlo ba mahae a rona, re batlane le banabab'o rona, 'me re ba nee ts'episo e monate ea Ntate. Hape, kaholim'a ho bitsa Molimo Ntate oa rona, re tla utloa litaello tsa Hae 'me re nehela thato ea rona tlas'a ea Hae. Etlaba thabo le khotso e kholo ho etsa ketso efe le efe, leha e ikokobelitse hakalo, e tla isa khanya ho Molimo 'me e hlohonolofatse bahab'o rona.

“Lebitso la Hau le Halaletsoe”

“Ho halaletsa lebitso la Molimo ho hloka hore mantsoe ao re a buang ka Ea Phahameng a boleloe ka hlompheho. ‘Lebitso la Hae lea halalela, ‘me lea ts’abeha.’ Lipesaleme 111:9. Ha ho le ka mohla, ka mokhoa leha e le ofe re lokelang ho nka tlotliso kapa mabitso a Molimo ha bobebe. Ka thapelo, re kena boteng ba kutlo ea Ea Holimo-limo; ‘me re lokela ho tla ho Eena ka ts’abo e halalelang. Mangeloi a koahela lifahleho tsa oona boteng ba Hae. Likerubime le Liserafime tse khanyang tse halalelang li atamela terone

ea Hae ka tlhompho e tiileng. Ke hakakang rona, libopuo tse shoang, tsa baetsalibe, re lokelang ho hlaha ka mokhoa oa hlompheho pela Molimo, ‘Mopi oa rona.’” *Thoughts from the Mount of Blessings*, p. 106.

Ka nako e 'ngoe re bonts'a hore ha re utloisise kamoo lebitso la Molimo le hlophehang ka teng ka ho bitsa batho ba bang “Mohlomphehi.” Mohlanka oa Molimo o ngolile sena, “Ho latela thuto ea Mangolo, ke ho hlompheho Molimo ho bitsa babusi ‘Bahlomphehi.’ Ha ho motho ea nang le tokelo ea ho kenya sena lebitsong la Hae kapa lebitsong la motho ofe kapa ofe. Ke la Molimo a ‘notsi, ho Mo khetholla ho libopuo tse ling tsohle. Ba ipatlelang lebitso lena ba nka tlotla e halalelang ea Molimo. Ha bana tokelo lentsoeng le utsuoeng, ho sa tsotellehe maemo a bona. ‘Lebitso la Hae lea halalela, ‘me lea ts’abeha.’” *Evangelism*, p. 133.

“Likopo tsa rona ha lia lokela ho nka sebopeho sa taelo, empa sa e le ho li rapella hore a etse lintho tseo re li labalabelang ho Eena” *Counsels on Health*, p. 379.

Ha re bolella Molimo likopo tsa rona, re tlameha ho ela molumo oa rona hloko. “Ka bona hoba lebitso le halalelang la Molimo le lokela ho sebelisoa ka hlompheho le ts’abo. Mantsoe ana Molimo

ea Matla ‘Ohle a kopangoa hammoho ebe a sebelisoa thapelong ka mokhoa oa ho se tsotelle, le ho hloka hlokolosi, o sa Mo khahliseng. Bao ha ba na kutloisiso ea Molimo leha e le ‘nete, ho seng joalo ba ne ba ke ke ba bua ka ho hloka hlompheho ho hokaalo ka Molimo o moholo o ts’abehang, eo haufinyana a tla ba ahlola ka letsatsi la ho qetela. Ho bolela lengeloi, ‘Le se ke la a kopanya; hobane lebitso la Hae lea ts’abeha.’ Bao ba lemohang boholo le borena ba Molimo ba tla bea lebitso la Hae malemeng a bona ka ts’abo e halalelang. O lula har’a leseli le sa atemeloeng; ha ho motho ea ka ‘monang ‘me a phela.’” *Counsels to the Church*, p. 252.

“Na rea elelloa hoba re tlameha ho halaletsa lebitso leo malapeng a rona, le hoba ha re ka lumella bana ba rona ho hlahisa libopeho tsa Satane, lebitso leo le ke ke la halaletsoa ka malapeng a rona? Haeba re batla hore mangeloi a halalelang a nke taolo ka ba banyane, re lokela ho ba holisa ka kholiso le taeo ea Molimo, le ho ba ruta ho halaletsa lebitso la Molimo.” *Review and Herald*, July 16, 1895.

Batsoali, ha re ntse re ithuta Lipalo tsee tsa Beke ea Thapelo, bana ba lona ba kae? Bontate, ekaba le etella malapa pele joang? Na re emela semelo le lits’obotsi

tša Molimo maphelong a rona?

“Muso oa Hau o tle”

‘Muso oa Molimo ke eng? “Hobane ‘muso oa Molimo ha se ho ja, ha se ho noa, empa ke ho loka, le khotso, le thabo ka Moea o halalelang.” Baroma 14:17.

“Baapostola ba Krete ba ne ba batlana le ho tla hanghang hoa ‘muso oa khanya ea Hae, empa ka ho ba nea thapelo ena Jesu o ile a ba ruta hore ‘muso ha oso ho be teng. Ba tla rapella ho tla hoa ona e le ketsahalo ea ka moso. Empa kopo ena e ne ebile e le tiiso ho bona. Leha ba ne ba sa talime ho tla hoa ‘muso mehleng ea bona, ‘nete ea hore Krete o ba laetse ho o rapella ke bopaki ba hore ka nako eo eleng ea Molimo o tla fela o tle.” *Thoughts from the Mount of Blessing, p. 107.*

Motho o itukisetsa ‘muso o tlang joang? Re kase rapelle hore ‘muso o tle ha re sa itukisa. Maphelo a rona a lokela ho tsamaellana le tumelo ea rona. Re lefats’eng empa ha re ba lefats’e joalo ka ha ‘muso oa Krete e se oa lefats’e.

Re lebeletse phethahatso ea thapelo ena kamor’a ho tla hoa bobeli hoa Krete. “Borena, le puso, le matla a mebuso eohle e ka tlas’a maholimo kaofela, li tla neoa sechaba sa bahalaleli ba Mookameli ea phahameng; ‘muso oa Hae ke ‘muso o sa

feleng, marena kaofela a tla mo sebeletsa, a mo utloe.” Daniele 7:27. Haele joale re ‘musong oa mohau, efela re lebeletse ‘muso ola oa khanya, e leng sehlohlolo le temoho ea ts’epo ea pholoho.

“Thato ho etsoe ea hau”

Thato ea Molimo ke eng? “Ho etsoa ho ratoang ke uena Molimo oa ka, ke sona se ke se ratang. Moalo oa Hao o ngoliloe pelong ea ka.” Lipesaleme 40:8.

“Thato ea Molimo e bonts’itsoe litaelong tsa molao oa Hae o halalelang, ‘me likemiso tsa molao oa Hae ke likemiso tsa leholimo. Mangeloi a leholimo ha a fihle tsebong e fetang ho tseba thato ea Molimo, ‘me ho etsa thato ea Hae ke ts’ebetso e phahameng ka ho fetisisa e ka sebelisang matla a bona.” *Thoughts from the Mount of Blessing, p. 109.*

Kopo ena, “Thato ea Hao e etsoe lefats’eng, joalo ka ha e etsoa leholimong,” ke thapelo hore ‘muso oa bobeli lefats’eng lena o feliso, hore sebe se timetsoe ka ho sa feleng, le hore ‘muso oa ho loka o hlomamisoe. Kemoo, lefats’eng joalo ka leholimong, e tla phetheha “lithato tsohle tsa moea oa Oona.” 2 Bathesalonika 1:11. Kajeno, leho feta pele, Satana o atlehile ho fofalitse likelello tsa ba ipitsang Bakreste mabapi le molao oa Molimo, o bonts’ahatsang

motheo oa ‘muso oa Hae. Ha ho ka mohla re ka utloanang le ho ba khotsong le Molimo ha re tlola molao oa Hae. “Ba ratang molao oa Hao ba na e khotso e kholo, ha ho khopiso ho bona.” Lipesaleme 119:165. Bakreste bohle ba ipolela ba rata Krete efela ba ntse ba hatikela molao oa Hae.

“Empa letsatsi le ea tla le ntoea etlabe e loanne, ‘me tlhola e fumanoe. Thato ea Molimo e tla etsoa lefats’eng joalo ka ha e etsoa leholimong. ‘Me lichaba li ke ke tsa ba le molao o mong haese molao oa leholimo. Bohle etlaba lelapa le thabileng la bonngoe, le apesitsoeng ka seaparo tsa thoriso le teboho-seaparo sa Krete ho loka hoa rona.” *Counsels for the Church, p. 341.*

“Re fe kajeno bohobe ba letsatsi ka leng”

Joalo ka melao e leshome, e arotsoeng likarolo tse peli-ea pele e bonts’a lerato la motho ho Molimo ‘me ea bobeli e senola lerato la motho ho oa hab’o-ho joalo fela le ka Thapelo ea Morena. Karolo ea pele e bonts’a tlhompho ea motho ho Molimo, ka ho mo rorisa le ho etsa thato eo e leng ea Hae. Karolong ea bobeli ea Thapelo ea Morena, kamor’a hore a etse thato ea Ntate, a ka hlalisa ho Eena likopo bakeng sa litlhoko tsa hae le tsa bang. “Me Molimo oa ka o tla

le tlatsetsa ka tsohle tseo le li hlokang, ka monono oa oona, khanyeng, ka Jesu Krete.” Bafilipi 4:19.

“Thapelo bakeng sa bohobe ba letsatsi ka leng ha e kenyeletse fela lijo tse phelisang ‘mele, empa le bohobe ba moea bo tla nonts’a moea ho isa bophelong bo sa feleng. Jesu oa re laela, ‘Se sebeletseng lijo tse fela, empa le sebeletse lijo tse tla ba teng le bophelong bo sa feleng.’ Johanne 6:27. O re, ‘Ke ‘na bohobe bo phelang, bo theohileng leholimong, ekare ha motho a eja bohobe bona, o tla phela ka mehla.’ Temana ea 51. Mopholosi oa rona ke bohobe ba bophelo, ‘me ke ka ho sheba lerato la Hae, ka ho le amohela moeeng, re ka iphehang ka bohobe bo theohileng leholimong....

“Ka ho re ruta ho kopa kamehla seo re se hlokang-mahlohonolo a nama esita le a moea-Molimo o na le sepheo seo a batlang ho se fihlela molemong oa rona. O rata hore re lemohe ho its’etleha hoa rona tlhokomelong ea Hae ea kamehla, etsoe O batla ho re hulela puisanong le Eena.” *Thoughts from the Mount of Blessing*, pp. 112, 113.

E’ngoe ea bohlokoa “thuto e lokelang ho rutoa ... ke thuto ea ho its’etleha ka Molimo.... Joalo ka ha palesa masimong ena le metso ea eona mobung; joalo ka ha e

lokela ho fumana moea, phoka, pula, le letsatsi, ka mokhoa o joalo le rona re amohela ho Molimo lintho tse sebeletsang bophelo ba moea.” *Our Father Cares*, p. 20.

“Ho teng mohloli o le mong fela oo ho ka fumanoang monono le matla le bohlale, ‘me tseo li tsoa ho Molimo. O batla hore motho e mong le e mong a kokobetse moea oa Hae pel’a Hae; hobane bohle re its’etlehile ka Molimo. O batla hore re its’etlehe ka matla holim’a Hae.” *Manuscript 57*, 1906.

Re its’etlehile ka Ntat’a rona ea maholimong bakeng sa phepo ea ‘mele le meea ea rona. Empa ke hobaneng ha re lokela ho rapela hore re tle re fuoe bohobe letsatsi le letsatsi hoena le ho mo kopa hanngoe fela hore a re nee tsohle tseo re li hlokang? Ke hobane fela mehauhelo ea Molimo ke e nchafetseng hoseng ho hong le ho hong. Lebaka le leng le bonts’itsoe meleng e latelang ea Moea oa boprofeta: “Empa o ts’oana le ngoana ea eso ho beoe taolong ea lefa la hae. Molimo ha a o ts’epele letlotlo la hau la bohlokoa, esere Satane ka maqiti a hae a bolotsana a u thetsa, joalo ka ha a entse ka batho ba pele ba babeli Edene. Krete o o ts’oaretse lona, le bolokehile ka nqane hole le moo mosenyi a ka fihlang. Joalo ka ngoana, o tla fumana letsatsi le letsatsi se hlokalang bakeng sa

litlhoko tsa letsatsi. Letsatsi ka leng o lokela ho rapela, ‘Re fe kajeno bohobe ba rona ba letsatsi le letsatsi.” *Thoughts from the Mount of Blessing*, p. 110.

“Re ts’oarele melato ea rona, joalo ka ha re ts’oarela”

Ka ho totobala thapelong ena re re, Molimo o tla etsa ka rona joalo ka ha re etsa ba bang. “Ha rea lokela ho nahana hore kantle le hore ba re utloisistseng bohloko ba ipolele bobo re na le tokelo ea ho ba tima ts’oarelo ea rona. Ke karolo ea bona ntle le pelaelo, ho kokobetsa lipelo tsa bona ka pako le boipolelo; efela re lokela hoba le moea oa kutloelo-bohloko khahlanong le ba re sitetsoeng, ba ipoletse kapa ba sa ipolela liphoso tsa bona. Leha ba re nts’itse maqeba a bohloko hakalo, ha rea lokela ho baballa litletlebo tsa rona le ho ikutloela bohloko ka maqeba a rona; empa joalo ka ha re lebeletse ts’oarelo ea lits’ito tsa rona khahlanong le Molimo, re lokela ho ts’oarela bohle ba re etselitseng bobo.” *Thoughts from the Mount of Blessing*, pp. 113, 114.

Ts’oarelo ke e’ngoe ea makhabane a Molimo, joalo ka A itse ho Moshe, “Jehova, Molimo o mohau....o ts’oarelang motho bokhopo le boikhants’o le sebe....” Exodus 34:6, 7. Ha masole a

ntse a khokhothela lipekere matsohong a Hae, Jesu o ile a re, “Ntate ba ts’oarele; hoba ha ba tsebe seo ba se etsang.” Luka 23:34. Lilemo tse seng kae tse latelang, ha Stefane a tlepetsoa ka majoe, “A ntoo khumama, a hooa ka lentsoe le lehlo, a re: Morena u se ke ua ba balla sebe sena.” Liketso 7:60. Hape, le Saule oa mohlorigi, kamor’a ho fetoha Paulose ts’okolohong ea hae, o ile a ngolla Tomothea, “Mohla ke ikarabelang ka la pele khotla, ha hoa ka haeba motho ea nkemelang; empa ba ne ba ntahla bohle; Molimo o se ke oa ba bea molato oa hoo.” 2 Timothea 4:16. Sephiri sa ts’oarelo ke ho utloisisa hore, ha re sa ts’oarele, re lumella lits’ila tsa lehloeo ho koala likelello tsa rona, mecha eo re ka fumanang ts’oarelo ea Molimo ka eona. Ho se ts’oarele ho ka lebisa bokuling boo ho seng ngaka ha ese Krete eka bo phekolang.

Ke hopola pale e’ngoe ea ausi ea neng a kula haholo, ‘me lintho tsohle li ne li lekuoe ho mo thusa. Basebeletsi ba ile ba kopuo a ho tla bakeng sa ts’ebeletso ea tlotso. Kamor’a ho fana ka nako e khethehileng ea thapelo, mosbeletsi e mong a kopa ausi eo ho pheta thapelo ea Morena le eena. Ausi a etsa hoo ka thabo ka lentsoe la hae le kulang. Empa eare ha e fihla karolong ena, “U re ts’oarele libbe tsa rona,

hobane le rona re ts’oarela bohle ba re sitetsoeng.” (Luka 11:4), ausi a thola. Moruti a pheta polelo eo, empa ausi a thola. A emisa ho rapela ‘me a ‘motsa hore ke hobaneng a sa phete polelo eo kamor’a hae. Eo a re hona le motho ea kileng a mo utloisa bohloko hoo a ke keng a mo ts’oarela le ka mohla. Ka masoabi, ausi eo o ile a shoa asa ts’oarela.

Ke ‘nete hore “bomali-mabe” bo boleloa ho ba khopisang ba bang, empa joalo ka bana ba Molimo re lokela ho ts’oarela. Re lokela ho kopa Molimo sebopeho sena, hobane pelo ea nama ha ena sona. Kajeno, ka lebaka la moea o sa ts’oarelang, hona le likamano tse robehileng kahar’a malapa, ka masoabi, le kahar’a ntho ea tumelo har’a baena.

“Mang le mang ea tlamehang ho sebetsana le ba bang o lokela ho nka e le eena ea fositseng; hobane joalo ka ha re etsa ka ba bang Molimo o tla etsa ka rona. Re ts’oara Krete ka mokhoa oo re ts’oarang bana ba Hae; hoba o emetsoe mothong oa bahaleli ba Hae.”_ *Signs of the Times, February 3, 1890.*

“O se ke oa re isa molekong”

Teko ke eng? Teko ke ho hohela sebemg, ‘me ho latela Bible ha e tsoe ho Molimo. Teko e ts’oana le linonyana tse fofang holim’a lihlooho tsa rona, ‘me ha se sebe ho re

ebe li etsa hoo. Empa ho li lumella ho aha lirobe holim’a rona ho tla etsa liteko tseo libe. Kahona, ho lekoa ha se sebe, empa ho inehela eona ke sona. Bakeng sa lilemo tse ka bang likete tse ts’eletseng, ts’ebetso ea Satane e ithutuloeng esale e le ho thetsa le ho timetse motho ka litsebo le bolotsana tseo a li fumaneng ka lilemo tse likete. See o se etsa joang?

“Satane o batla ho re tliša tekong, e le hore bobbe ba limelo tsa rona bo tle bo senolehe pel’a batho le mangeloi, hore a re tseke re le ba hae. Boprofeteng bo ts’oants’ang ba Zecharia, Satane o bonoa a eme letsohong le letona la lengeloi la Molimo, a qosa Joshua, moprista e moholo, ea apereng liaparo tse lits’ila, ‘me a thibela mosebetsi oo lengeloi le ratang ho mo etsetsa ona. Sena se emela boikutlo ba Satane khahlanong le moea o mong le o mong oo Krete a batlang ho o hulela ho Eena. Sera se re lebisa sebeng, se ntoo re qosa pel’a leholimo re le ba sa lokeloeng ke lerato la Molimo.”_ *Thoughts from the Mount of Blessing, pp. 116, 117.*

Leha ho le joalo, ha rea lokela ho lahla ts’epo, hobane, bakeng sa teko e ‘ngoe le e’ngoe e jeroeng ‘me ea haneloa ka thuso ea Molimo, hona le tlhonolofatso ka ho fumana maiphihlelo le ho hatela pele kahong ea

semelo. Empa ha re oela tekong, re siteloa Molimo, 'me likaleng tsa leholimo, re fumanoa re le chatsi. Kreste o bona liteko tsohle tsa rona; O fane ka tsohle hore re ka li mamella. O ts'episitse hore re ke ke ra lekoa ho feta kamoo re ka jarang. Ka ho etsa thapelo eo Kreste a e entseng, re inehela tataisong ea Molimo, 'me re mo kopa ho re isa litseleng tse bolokehileng. Re kase etse thapelo ena ka tieo eaba re tsamaea ka tsela e'ngoe ea boikhethelo ba rona. Mokreste oa 'nete a ke ke a etsa meralo eo Molimo a sa e lumelleng. Ka nako e ts'oanang, a ke ke a kena tseleng e hanetsoeng 'me a ipepesa ts'usumetsong ea Satane. Ka hona, thapelong ena, re kopa Molimo ho re boloka khahlanong le rona le ho etsa liteko lithuto tse re lokisetsang bophelo bo sa feleng.

“Musso ke oa Hau, le matla, le khanya”

Kreste o tlike lefats'eng nakong eo joko ea bahatelli e neng e le boima holim'a batho ba Molimo. Baapostola le batho ba ne ba na le kutloisiso e fokolang haholo ea thomo eo Kreste a neng a tlike ho e phetha. Ba ne ba nahana hore o tlike ho lopolla Bajuda ho Baroma le ho theha 'musso oa Hae lefats'eng. Empa Kreste o bolelletse Pilato pele ho thakhiso ea hae, “Musso oa

ka ha otsoe lefats'eng lena....” Johanne 18:36. Kahona, ha Kreste a ne a nea barutuo ba Hae Thapelo ea Morena, O ile a etsa bonnete ba hore o hlaola kutloisiso eo e fosahetseng likelellong tsa bona 'me o ba supisa 'musso oa Hae o tlang. Hape, O ile a ba tiisetse hore Molimo o fela a nkile taolo e feletseng, leha ho le joalo ba tla hatelloa ka nako e itseng, matla a bobbe a tla bonahala a rena har'a batho ba Molimo, Jerusalema o tla timetsoa, 'me batho ba Molimo ba tla hasana mafats'eng asele. O tla lokisa lintho tsohle ka nako ea Hae. Matla a bobbe a ka sebetsa fela kamoo Molimo a lumellang kateng, hobane matla le khanya eohle ke tsa Hae.

“Leha ho le joalo balateli ba Kreste ba ne ba sa lokele ho ts'oha hore ts'epo ea bona e felile kapa hore Molimo o furalletse lefats'e. Matla le khanya ke tsa eo merero ea Hae e meholo e tlanne e tsoele-pele esa sitisoe ho ea phethehong ea eona. Thapelong e phefumolohang litlhoko tsa bona tsa letsatsi le letsatsi, balateli ba Kreste ba ile ba lebisoa ho talima kaholim'a matla 'ohle le puso ea bobbe, ho Morena Molimo oa bona, eo 'musso oa Hae o busang holim'a tsohle le eo e leng Ntat'a bona le motsoalle oa bona oa bosafeleng.” *Thoughts from the Mount of Blessing, p. 120.* E se eka Molimo a ka re thusa ho atamela haufi le

Eena ka thapelo ho fetisa pele, hoba matla le khanya eohle ke tsa Hae ka ho sa feleng. Amen!



RAPELLA LIRA TSA HAU

Pablo Hunger, Argentina / U.S.A.

“...Ntate, ba tšoarele hoba ha ba tsebe seo ba se etsang...” (Luka 23:34) ana ke mantsoe ao Krete aa buileng ale mahlokong a maholo, a kokotetsoe ka lipekere tse kholo sefapanong. Ke mohlala o moholo hakakang oo re lokelang ho o latela ho Moruti oa rona e moholo!

Jesu o na sa etsa letho le neng le lokela ho etsa a shoe a thakhisitsoe, empa o ile a kopela bathakhisi ba hae ho se balloe sebe sena. Ka bomalimabe re kotsing ea ho utloisa batho bohloko ka mantsoe, liketso ekasitana le boitšoaro boo eseng ba Bo-Kreste kapa mahlo a bo Anti-Kreste. Taba ena e etsa bora lipakeng tsa batho.

Letsatsi le leng le le leng re tobana le maemo kapa liketso tsa basebetsi ‘moho kapa metsoalle tse etsang re iphumane re ba nka ese ele lira tsa rona. ‘Nete ke hore liphapang li ba teng ka har’a rona, malapeng, mosebetsing, bahaisane, ekasitana le ka har’a kereke. Empa ha rea lokela ho etsa hore liphapang tsena li re fetole semelong sa rona ekasitana le ho rata bana babo rona.

Sera sa Molimo se batla ho senya lelapa le sechaba. O etsa sohle se matleng a hae ho baka liphapang bahaisaneng ekasitana le ka har’a kereke. Empa Jesu ka bophelo ba hae, o ile a re ruta hore re tsebe na ho phela re itšoarelletse ka Molimo le lerato ho bolela eng.

Ke ka makhetlo a makae re ikarolang ho batho hobane motho a sa re lumelisa, a arabetse se itseng seo re neng re se bua hampe, kapa a buile se itseng seo re sa kang ra se rata? Re sa botsa letho ebe re se reba le maikutlo a hore motho ea joalo o na le bothata le rona? Ka makhetlo a mangata menahano ea rona e lokela ho fetoha. Ke hakae oo utloe u ikutloa hampe ka maemo a ileng a u hlahela mosebetsing kapa seseng feela se sa tsamaeang hantle bophelong ba hau, ‘me eba seo se ama maikutlo a hau u sa elelloa?

Ka lebaka lena, re ka iphumana re sa tsotelle ba malapa a rona le bana ba bo rona ekasitana ba sa re etsang letho ba bile ba sa tsebe na re

hlahetsoe keng boleleng ba letsatsi.

Na Mokreste oa 'nete aka itšoara joalo ka sera? Ha re bala Mattheu 5:44, Jesu oa ruta: "Empa nna ke re ho lona: Ratang dira tsa lona, le rapelle ba le hlorisang."

Re bona mantsoe a Jesu hore khubu ea Bokreste ke lerato, 'me sena ke phapang ea bora. Mesebetsi ea nama e thathamisuo bukeng ea Bagalata 5:20 ke libe ebile li khahlanong le Molimo "ke hloeano, le likomang, ke mona, le bohale, le likhang, le liphapang, le likhaohano." Seke oa lumella libe tse joalo ho lula pelong ekasitana le kelellong ea hau!

Bora ke eng? Ke boemo ba tsitsipano bo tebileng lipakeng tsa batho, lihlopha ekasitana le sechaba. Litholoana tsa sena ke likarohano, hloeano, le boikutlo bo bobele ho batho, sena se bakoa ke maiphihelo a babang a nako e fetileng kapa tsona liphapang. Ha re ke re shebeng sesosa sa liphapang tsena le hore na lika qobeha joang.

Phapanyetsano ea maikutlo.

Liphapang li ba teng lipakeng tsa batho le malapa hobane ba sa shebele litaba hong, bana le kholiso e fapaneng, litumelo tseo hangata li etsang batho ba be le qoaketsano hobane feela ba

talima lefatše ka tsela tse fapaneng. Le ka har'a lenyalo hona le phapanyetsano ea maikutlo, 'me haeba liphapang li sa rarolloe nako e sale teng, li baka mathata a maholo. Taba ea phapang ea maikutlo haeba re le batho ba bulehileng e ka re thusa ho ba le mahlale a macha le kelello encha e chabileng, sena se ka fihleleha haeba re mamela haholo ha batho ba sa bue letho le khahlanong le Molimo. Ho lekola likarohano tsena ho bohlokoa haholo hobane hoka etsa likarohano tse fetang mona ebile lile kholo. Mesebetsi ea Moea o Halalelang o kopanya balumeli 'neteng. Uko ikenye lieteng tsa mohaisane oa hau u nahane na hobaneng a nahana ka tsela e fapaneng le eo uena u nahanang ka eona. Batlana le kopano ea maikutlo. Haeba phapang ea maikutlo e teng, batlana le hore u hlomphele batho ho fapana le uena ka maikutlo 'me u kope kutloisiso ho Molimo.

Ho se utloisisane

Bosieo ba puisano e hlakileng bo ka etsa batho ba sitoe ho utloisisana ebe hoba le liqoaketsano tse sa hloka haleng, joale sena se baka mathata a neng aka qojoa ka lipuisano tse nepahetseng. Mathata a lipuisano a ka boetse aba teng ka hare ho malapa. Mathata a mangata ana a ka qojoa haeba re ne re ka bua ka lerato. Batla ho utloisisa ngoaneno usa inkele liqeto tse fosahetseng. Haeba hona le se

fosahetseng ka chebo ea hau, latela thuto ea Jesu ho Mattheu 5:23, 24: "Ka baka leo, ha u hlaisa kabelo ea hao aletareng, 'me u hopola hobane ngoan'eno una le taba le uena, siea kabelo ea hao moo, pel'a aletare, u ee ho boelana le ngoan'eno pele, u ntano tla hlahisa kabelo ea hao."

Keletso e bohale e tsoang ho Molimo le hore hobe le poelano haeba liphapang li bile teng tse bakileng bothata lipakeng tsa rona le bana babang ba bo rona.

Maqeba a maikutlo

Lintho tse fetileng tsa ho ekoa, masoabi, kapa makutlo a lemetse, lika siea maqeba maphelong a rona, ebe a etsa lehloeo le babang li pelong tsa rona ha nako entse e ea. Seke oa lumella maiphihlelo a bohloko a lematse bophelo ba hao. Ha Molimo o tšoarela, o "akhela libe tsa bona botebong ba leoatle," ho latela Mikea 7:19, sena se bolela hore oa li lebala. Kopa Morena ho tlosa maikutlo a mabe pelong ea hao, hobane ha a tsoe leholimong ebile ha ahe moea oa hao ebile ha eketse lerato la hao ho bana beno, hape ha fane ka khotso.

Litlholisano tsa bophelo

Tikoloho ea mosebetsing kapa mabaleng a boithapollo le boitseko ba katleho sena se ka etsa bora ho batho beo motho a lumelang ele bahlolisani le eena. Sena se tloaelehile ho batho ba sebetsang 'moho ha

phahamiso ele haufi, litabeng tsa maemo le meputso. Empa haele hantle tlholisano ea mofuta ona ase ea Bokreste ebile sesosa boithati-notsi le boikhohomoso. Boikarabello ba rona ke hore se sebeletse batho babang ka lipelo tsa rona tsohle, joaloka ha moapostola Paolosi a ile a ruta ho Bakolose 3:23, 24. “Me seo le se etsang, leha e kaba eng le eng, le se etse ka pelo e ratang joaloka hoja le etsetsa Morena, e seng batho; le tsoe le tseba hobane le tla fuoa le Morena moputso oa lefa; le sebeletsa Krete Morena.”

Ho sitoa ho ikenya lieteng tsa babang

Boemo ba ho se khone ho utloela batho bohloko bona le ho etsa likamano tse batang lipakeng tsa batho, lebaka ke hobane batho ba bopetsoe hoba le likamano tse mofuthu, ‘me ha seno se lahleha e ba mathata. Kemiso ea leholimo ke ho sebeletsa babang le ho se itsebeletse. Re lokela ho ithuta hoba mosa.

Phapang ea litloaelo le bochaba

Phapang ea litloaelo eka etsa ho hloke hoba le kutloisisano, liqabang, le ho hloka khotso haeba litaba tsena li sa atameloe ka kutloisiso le tlhompho. Hopola moetlo o mong feela, ‘me ke oa leholimo. Lehae la rona ha le mona lefatšeng empa le leholimong, ho latela Bafilipi 3:20, mane moo honang le Molimo a le mong feela eleng ntat'a rona

bohle. Ha re ntse re le lefatšeng lena, ha re lekeng ho utloisisa bana ba bo rona, leha ele hore litloaelo tsa bona ehlile li ka fapana le tsa rona, ha feela li se khahlanong le Molimo.

Ho lelekisana le lintho

Ho loanela lintho tse bonahalang li fokola joalo ka matla, ho tsotelloa, kapa maruo a lefatše lena ho ka qetella ho etsa hore batho ba hloke thabo lipakeng tsa bona ele batho ba lelekisanang le tseno. Litšiea tsa Bokreste li fapane hole le lephallo la mofuta ona, la matla le maruo. “25Jesu, yare ha a ba bileditse ho yena, a re: Le a tseba hoba marena a ditjhaba a di busa, mme baholo ba tsona ba na le puso e thata hodima tsona. 26Ho se ke ha eba jwalo ho lona; empa mang le mang ya ratang ho ba moholo hara lona, e ke e be mohlanka wa lona; 27mme mang le mang ya ratang ho ba wa pele hara lona, e be mofo wa lona; 28jwaloka Mora motho, ya sa kang a tlela ho sebeletswa, empa e le ho sebeletsa le ho neela bophelo ba hae ho ba topollo ya ba bangata.” Mattheu 20:25-28.

Mamela litaba tsena tsa Alexander le Carl, ke bana ba monna ba ileng ba arohana ka lebaka la qabang e bakuoeng ke ho arola mafa. Bothata ebile ha ntat'a bona a arola thepa ka ho se lekane, ‘me sena se ile sa isa lehloeong le tebileng. Sena seile sa nka lilemo kutloano entse ele sieo lipakeng tsa bona, ho etsahala le liketso feela tse makatsang, ho qosanoa makhotleng, ka hona

sena se ile sa arola lelapa, bonkhono le bo motsoala ba arohana lilemo tse telele.

Taba ea mofuta ona eile ea hlaha lelapeng la Abrahamama. Ho ile hoaba le qaka lipakeng tsa Sara le Hagar, lehoja esa fella ho bona kapa ka bona. Litloholo tsa bona le ka lena le holimo ba ntse ba tsoela pele ho loana, seo se bakile qabang e kholo lipakeng tsa Israele le Palestina. Ho ile hoa shoa batho babangata le hoja Israele le Palestina li tsoa monneng ale mong.

Ho fapana ka maikutlo ho teng malapeng ohle, mosebetsing, likopanong ekasitana le ka har'a kereke. Empa Mokreste oa sebele ake ke a lumella liphapang tsa mofuta ona ho bakela bora. Re lokela ho rapela Molimo o re fe Moea oa kopano ea sebele eo leholimo le hlokang rebe le eona haholo ha re le bana ba lona.

Na Mokreste a ka jara e mong ka pelo? Morena oa rona o ile a reng ka se?

“Ha le tshwarela batho diphoso tsa bona, le lona Ntata lona ya mahodimong o tla le tshwarela; 15athe ha le sa tshwarele batho, Ntata lona le yena a ke ke a le tshwarela diphoso tsa lona.” Matthew 6:14, 15.

Jesu oile a bua mantsoe ana ka mor'a ho qetela thapelo. “Ea sa tsoareleng o khaola maqhama ao aka fumanang mohau ho tsoa ho Molimo ekasita le eona tsoarelo. Ha rea

lokela ho lumela hore hobane ea re entseng hampe ha so kope tšoarello rena le tokela ea ho mo jara ka pelo. Ke 'nete ba lokela ho ikokobetsa empa re lokela ho ba hauhela le rona kantle ho tikatiko, ba kopile tšoarello ba sa e kopa. Lehoja ba re utloisitse bohloko hakaalo, ha rea lokela ho lula rentse re nahana ka bohloko, joaloka ha re lumela hore Molimo o tla re tšoarella litšito tsa rona, le rokela ho tšoarella bohle ba re entseng hampe le rona.” –*Thoughts from the Mount of Blessing*, p. 113.

Seke oa jara lehloea ka pelong ea hau. Seke oa lumella peo ea bobbe e u etsetse lehloeo, khalefo, kapa lehloeo pelong, empa re lokela ho tšoarella ba re etsang hampe. “Ratang bao eleng lira ho lona, le hlohonolofatse ba le rohakang.” Mattheu 5:44.

“Re lokela ho rata lira tsa rona joaloka ha Krete a ile a lumela ka eena hoba sehlabelo.

Babangata bare, molao ona ke o thata. Ke lakatsa ho o phetha empa hole le lira tsaka. Taelo ena ha uka batla ho e jara ka matla a hau u keke oa e khona.

‘Etsang botle’ Krete o rialo, “Ho ba le hloileng le ba rapelle. Le ha ba le hlorisa lona le tsebe moputso oa lona o leholimong. Letsatsi la hae le chabela bohle. Le pula e nela bohle, ba le khopo kapa ba lokile. Bible e bontša hore bana ba Molimo ba ka fihlela phetheho. Ha ne re sale lira tsa Molimo o ile a re

tella Jesu hore a re shoele. Re lokela ho latela mehlala ea Molimo.” –*Medical Ministry*, p. 335.

Ho rapella ba u hanelang le ba u hlorisang ke sesupo sa phetoho ea 'nete ea Bokreste. Thapelo e joalo e khothalletsa kutloelo-bohloko le takatso ea ho thusa ba fofalitsoeng ke sera. U tla fuoa matla a ho tšoarella, eseng hang feela, empa hangata kamoo ho hlokahalang. Ha e le hantle u batle poelano e tšoarellang le ho qoba likhathatso tse ka lebisang mahlomoleng ho isa melokong, tseo u hlileng u ikarabellang ho tsona. Lithapelo tse joalo ke matšoao a khōlo e tebileng ea moea, hobane Molimo o laola liketso tsa hao, mantsoe, mehopolo le maikutlo. Kōpa Molimo hore a u fe kelello eo moapostola Pauluse a e hlalositseng ho Ba-Roma 12:20, 21. “Ka baka leo, ekare ha sera sa hao se lapile, u se fepe; ha se nyoriloe, u se noese; U se ke ua hlōloa ke bobbe, empa u hlole bobbe ka botle.

Kōpa Molimo hore au fe phihlelo eo moapostola Pauluse a e hlalositseng ho Ba-Roma 12:20, 21. “Ka baka leo, ekare ha sera sa hao se lapile, u se fepe; ha se nyoriloe, u se noese. U se ke ua hlōloa ke bobbe, empa u hlole bobbe ka botle.

A re lateleng tlhokomeliso e ho Baheberu 12:14 : “Phehellang khotso le batho bohle, le tumelo, eo ho seng

mang kapa mang ea tla bona Morena ka ntle ho eona.

A re phehelleng khotso ho latela buka ea Baheberu 12:14: “Phehellang ho ba le khotso le batho bohle, le tumelo, eo ho seng motho ea tla bonang Morena ka ntle ho eona.”

Molimo o re thuse ho ba “mangosa a khotso” (2 Ba-Korinthe 5:20) malapeng a rōna, ho basali ba rōna, le bana ba rōna, sebakeng sa rōna sa mosebetsi, ho baahisani ba rōna le ho balumeli-'moho le rōna tumelong. Phelimeho ena e tla ba setšoantšo se nepahetseng sa 'muso oa maholimo, Kanana ea leholimo, lehae leo bohle re tla phela hammoho ka ho sa feleng.

Amen!

HO RAPELA KAMEHLA

Danilo Monterroso, Guatemala

Re leboha Molimo hore re atemetse pheletso ea selemo se seng. Re phahamisetsa merapelo ea rona ea teboho teroneng ea mohau ka bophelo le mohau; ka tse ntle le tse mpe, ka liteko le lithokofatso tse tlileng e le thuto ho rona; ka metsoalle le malapa a hole le rona ao re a phoqileng kapa re a ekileng; le ka mpho ea nako ea ho ba batla, ho boelana le bona, le ho kopa ts'oarelo; le baratuoa ba re lahlehetseng har'a tsela ea bophelo, ba robetseng ba ena le ts'epo ea ho tsoha. Ke litoro le litabatabelo tse kae tseo re neng re ena le tsona? Tse ling re li fihletse, tse ling li fetohile litoro tse hlobaetsang. Empa ho tsena tsohle re ka re, joalo ka ha ho boletse moapostola

Paulose ho 1 Ba-Thesalonika 5:18: "Lebohang nthong tsohle; hobane ke seo Molimo o ratang ha le ka se etsa ho Jesu Kreste." Molimo o batla re lebohele tsohle. Ha re beng le teboho, ka ho khetholoha bakeng sa topoloho e abetsoeng bohle ka Kreste Jesu 'Moloki oa rona.

Thapelo nakong ea tlokotsi

Kajeno re utloa liketsahalo tse makatsang le tse ts'osang tse etsahalang ho potoloha lefats'e phethahalang ea boporofeta. Baporofeta ba bangata ba lilemo tse fetileng ba ne ba tla thaba ho ja e be ba teng ho bona tseo re li bonang! Ba hatesitse tse tlang ho etsahala ba le tlasa ts'usumetso ea moea oa Molimo, 'me ntho tseno li

etsahala hantle joalo kaha li ngoliloe, "Re eme nts'ing tsa liketsahala tse kholo le tsa bohlokoa. Tlokotsi e ka pela rona, eo lefats'e le so ka bang le e bona" *Thoughts from Mount of Blessing*, p. 120.

Kajeno likete tsa batho likarolong tse fapaneng tsa lefats'e li bile le maiphihlelo li bile li ntse li tsoela pele ho ba le maiphihlelo a maemo hlobaetsang a amang sechaba maamong a sechaba, a moruo, le lipolotiking. Hape, ho phahama hoa botlokotsebe le bo-satane ke ngongoreho e teng hara baetapele ba lipolotiki, ba litumelo le ba sechaba. Maemo ana a kenyeletsa likhang tsa mabotho a hlometseng, litlokotsi tsa botho, le ho se lekane moruong le sechabeng, hara mathata a mang. Har'a melumo ea nalane ho fihla

thapelo ea boemeli eo Jesu a e entseng bakeng sa balateli ba hae ka pel'a Ntate oa hae ho Johanne 17:14-17 "Ke ba file lentsoe la hao, 'me lefats'e le ba hloile, kahobane ese ba lefats'e, joalo ka ha le 'na ke se oa lefats'e. Ha ke u rapele hore u ba tlose lefats'eng, empa le hore u ba sireletse bobeng. Ha se ba lefats'e, joalo ka ha le 'na ke se oa lefats'e. U ba halaletse a 'nete ea hao; lentsoe la hao ke 'nete.'"

Thapelo eo e tsebahala e le "thapelo ea boprsta bo bohola," ea Jesu, moo a neng a rapella barutuo ba hae le ba neng ba tla lumela ho ena kamora nako eo. O ile a teka tabatabelo ea hae ea ho sireletsa balateli ba hae khahlanong le lefats'e le bosatane bo ho lona, ke khoelehetso ho bohle ho batla tataiso e halalelang, matla a moea, le ts'ireletso ea Molimo liqholotsong le likhanng tse hlahang. Haeba Jesu o ne a rapella barutuo ba hae nako eohle, re lokela ho rapela re sa khaotse, thapelo ke bophelo ba moea.

"Re lokela ho rapela selikalikoeng sa lelapa, ka holimo ho tsohle, re se ke ra lahla thapelo ea lekunutung, hobane ena ke bophelo ba moea. Haho khonahale hore moea o atlehe ha thapelo e sa tsotelloe. Thapelo ea phatlalatsa kapa ea lelapa feela ha e ea lekana. Boinotsing moea o ke o buleloe leihlo le hlahlobang la Molimo. Thapelo ea lekunutung e utloahala feela ho Molimo o utloang merapelo....

"Merapelo ena e khutsitseng e phahama joaloka libano tse monate ho ea teroneng ea

mohau. Satane a ke ke a hlola ea its'etlehleng joalo holima Molimo." *_God's amazing grace pg 239.*

Thapelo ka hara teronko e lefifi

Ha moapostola Paulose a ne a ngola lengolo ho ba-Filipi, o ba tlhohlololitse ho hore ba thabe kamehla, joalokaha le eena a ne a koaletsoe teronkong Roma. A sa natse kotsi ea hore a ka ahloleloa lefu, katamelo ea Paulose lengolong la ba-Filipi e ne ena le ts'epo e khethehileng, o sebelisitse mantsoe a kang "thabo" le "ho thaba" makhetlo a ka isang ho a leshome le metso e ts'eletseng. Ba-Filipi 1:12-14. Ho khonahala joang hore motho ea koaletsoeng teronkong ka mokhoa o sa lokang a bue ka ho thaba? Ba-Filipi 4:11-13 e ts'oere karabo, "... Hobane ke ithutile ho kholoa litabeng life le life tseo ke leng ho tsona. Ke tseba ho kokobetsoa, ke tseba le ho ateloa ke lintho; kahohle le nthong tsohle, ke ithutile ho khora le ho lapa, ho ba naleng le hoba bofumeng. Nka etsa tsohle ka Krete ea mphang matla."

Ka linako tse ling ha re khone ho fihlela khokahano e feletseng le Molimo ntle le ha re le tlasa maemo a thata. Ha ke hakanye na ke makhetlo a makae ke bolela ka maiphihlelo a Paulose ha a koaletsoe likoting le literonkong. Joale ka letsatsi le leng ka fihlela na ho joang ho koalooa teronkong ka lebaka la toka e boleloang, lefatshe lohle le le khahlanong le uena. Hahona lehlaseli le le leng la ts'epo, 'me tsohle li

bonahala li lahlehile. Ke motsotsong ona ono moo motho a utloisisang hore ntho e le 'ngoe eo a ka e etsang ke ho rapela; ka har'a bofeela le lefifi la teronko, kelello ea hao e ka phahamela teroneng ea mohau, hobane teronko e ke ke ea emisa thapelo ea tumelo.

Ke terenong moo ke ileng ka ithuta ho its'etleha haholo ho Molimo ka thapelo. Ka nako tse ling O re tlohela hore re tobane le maemo a boima e le hore re tle re pake tsa lerato la Hae. Ke ne ke sa lumele hore 'mueli ea neng a emetse nyeoe ea ka e kaba molateli oa Krete, empa letsatsi le ile la fihla moo ke ileng ka fumana monyetla oa ho mo kolobetsa. E nkhopotsa maiphihlelo ao moapostola Paulose aa entseng a ena le Silase, terenong Filipi. Ha ba qeta ho shapuo ka phafa ea Maroma, ba beiloe teronkong, ba fasuoe, ho ne ho ts'osa. Le ha hole joalo, lipaki tse ts'epahalang tsa Molimo li ile tsa bea ts'epo ea tsona ho Eena eo e leng ts'epo ea bona feela. "Empa bosiu bo bohola, Paulose le Silase ba ne ba rapela, ba binela Molimo lifela; 'me ba koaletsoeng le bona ba ne ba ba mamela." Liketso 16:25

E, bats'oarua ba utloa. Ke baholehuoa ba bakae ba se-moea ba re potapotileng ba hlohang ho utloa mapaki a rona re le batho? Ke kholeho le literonko life tsa se-moea tse nkang bolokolohi ba motho ho rapela Molimo? Ho kaba le lipelaelo, ho nyahama, boikhohomoso, ho koata, lehloeo, kapa sebe; empa ho sa tsotellehe hore na ke eng, hoeletsa ho Molimo joalokaha moapostola Paulose a entse. Baka ts'isinyeho ea lefats'e ka

bopaki ba hao. “Me hang ts’isinyeho e kholo ea lefats’e ea eba teng, metheo ea teronko ea ba ea sisinyeha; hang-hang menyako kaofela ea buloa, ‘me mahlaahlela a bohle a lokoloha.” Liketso 16:26.

“Leholimo lohle le ne le ena le thahasello ho banna ba neng ba sotleha bakeng sa Krete, ‘me mangeloi a ile a romeloa ho hloela teronko. Khatong tsa oona lefats’e la sisinyeha. Menyako e neng e notletsoe ka thata ea teronko ea buleha, liketane le mahlahlela tsa oela matsohong le maotong a bats’oaruoa; ‘me leseli le khanyang la tlala teronko.

“Molebeli oa chankane o ile a utloa ka ho makala lipina le lithapelo tsa baapostola ba ts’oeroeng. Ha ba ne ba koaltoa, o ile a bona maoto le matsoho a bona a ruruhileng a tsoang mali, a ba a etsa hore maoto a bona a fasuoe ka mahlahlela. O ne a lebeletse ho utloa poboli e bohloko, empa a utloa lipina tsa thabo le thoriso. Ka molumo oa lipina tsena litsebeng tsa hae, molebeli a ea le sephume sa boroko bo ileng ba hlapholoha ke ho sisinyeha hoa marako a teronko.” *Acts of the Apostles*, p. 215.

Ka bokhuts’oanyane, Paulose o fumane thabo e seng ho tsoa linthong tse kantle, empa e le ho ts’epo ea hae ho Krete, ea mo tiisitseng ho tobana le maemo a monate le a seng monate. Sena se hlalosa bokhoni ba hae ba ho ngola ka ho thaba le ha a ts’oeroe ka tsela e hlohang toka, a bile a shebane le khonahalo ea lefu. O ne ana le khokahano le Molimo ka thapelo.

“Lithapelo tseo u li etsang boinots’ing, mokhathaleng, litekong, Molimo o arabela litebello tsa hao, empa molemong oa hao” *Gospel Workers*, p. 258.

Thapelo e tsoelang pele

Evangelizing ea Luka 21:36, rea bala “Falimehang ke hona, ‘me le rapele ka mehla, le tle le neoele tle le neoe tokelo ea ho phonyoha ho tseo tsohle tse tla etsahala, le ea ho ema pel’a Mor’a motho.”

Hahona sebaka kapa nako eo ho seng hantle ho isa kopo ho Molimo. Ha ho letho le ka re sitisang ho phahamisa lipelo tsa rona ka moea oa thapelo e tiileng. Kahar’a lets’oele mapatlelong a motse, kahar’a kopano ea khoebo, re ka phahamisetsa kopo tsa rona ho Molimo ra kopa tataiso ea moea oa Molimo, joalo ka Nehemia ha a ne a kopa ho morena Artaxerxes. Sebaka sa kopano se kaba teng hohle moo re leng teng. Re lokela ho bula monyako oa lipelo ka mehla le memo ea rona ho Jesu ho re a tle e be moeti oa leholimo moeeng.” *Reflecting Christ*, p. 122.

Molimo a re thuse ho utloisisa hore thapelo ke sesebelisoa sa moea seo re ka se sebelisang nako eohle, Jesu o ts’episitse, “Ka baka leo ke re ho lona: Se seng le se seng seo le se kopang ka thapelo, lumelang hoba le se bone, ‘me se tla ba ho lona.” Mareka 11:24.

Hobaneng hangata ho shebahala joalo ka ha eka lithapelo tsa rona ha li finyelle leholimong? Hobane re na le

meroalo e mengata e re sentseng maikutlong. E etsa hore bophelo bo be bosula ‘me e tlosa thabo ea pholoho ea rona, e etsa hore re utloe eka lithapelo tsa rona ha li utluoe. Ena ke nako ea ho kopa matla thapelong le ho batla motho ea re utloisitseng bohloko kapa eo o mo utloisitseng bohloko, “Me ha le ema le rapela, enore ha le ena le le taba le e mong, le mo ts’oarele, hore le eena Ntat’a lona ea maholimong a le ts’oarele litlolo tsa lona. Hobane ekare ha le sa ts’oarele ba bang, Ntat’a lona a ke ke a le ts’oarela litlolo tsa lona.” Mareka 11:25, 26.

Molimo o ke o re ts’oarele matsatsing a na a qetellang selemo. A le ke le lumelle khotso ho hlola lipelong tsa lona ka thapelo. Amen.

O give thanks unto the Lord; for he is good:
for his mercy endureth for ever.

O give thanks unto the God of gods: for
his mercy endureth for ever.

O give thanks to the Lord of lords: for his
mercy endureth for ever.

To him who alone doeth great Wonders:
for his mercy endureth for ever.

To him that by wisdom made the
heavens: for his mercy endureth for
ever.

To him that stretched out the earth
above the waters: for his mercy
endureth for ever.

To him that made great lights: for his
mercy endureth for ever:

The sun to rule by day: for his mercy
endureth for ever:

The moon and stars to rule by night: for
his mercy endureth for ever.

To him that smote Egypt in their
firstborn: for his mercy endureth for
ever

With a strong hand, and with a Even an heritage unto Israel his servant: stretched out
arm: for his mercy for his mercy endureth for ever. endureth for ever.

Who remembered us in our low estate:
for his mercy endureth for ever: parts:
To him which divided the Red sea into And hath redeemed us from our And
for his mercy endureth for ever: enemies: for his mercy endureth for midst of it: for

made Israel to pass through the his mercy endureth for ever.

ever: Who giveth food to all flesh: for his
But overthrew Pharaoh and his host in mercy endureth for ever.

the Red sea: for his mercy endureth for O give thanks unto the God of heaven: ever. for
his mercy endureth for ever.

To him which led his people through Psalms 136 the
wilderness: for his mercy endureth for ever.

To him which smote great kings: for his mercy
endureth for ever:

And slew famous kings: for his mercy endureth
for ever:

Sihon king of the Amorites: for his mercy
endureth for ever:

And Og the king of Bashan: for his mercy
endureth for ever:

And gave their land for an heritage: for his
mercy endureth for ever:





THAPELO NAKONG EA BOFELO

Tzvetan Petkov, Bulgaria/U.S.A.

“**E**are ha tsoha

thapelong, a tla ho barutuo ba hae, a ba fumana ba robetse ke ho soaba; a re ho bona: Na le robetse ke'ng? Tsohang, le rapele, hore le se kene molekong.” Luka 22:45, 46

Serapeng sa Gethesemane, Jesu o ile a mema barutuo ba hae ho falimeha le ho rapela le eena; empa ka makhetho a mararo o ile a ba fumana ba robetse. Boemo ba kereke ba ho robala bo supahatsoa ke setšoantšo sa baroetsana ba leshome. Ehlile ene ele baroetsana. Ba ne ba apere

liaparo tsa bona tse tšoeu ba nkile lilampi tsa bona, empa kaofela hoa bona ba ile ba otsela ‘me ba robala. Mattheu 25:5

Moapostola Paulosi o ile a makala: “...Tsoha, uena morobali, tloha har’a bafu, ‘me Krete o tla u bonesetsa.” Ba-Efese 5:14. Khaitsetli ea rona Ellen G. White o kile a etsa tlhokomeliso e tšoanang ‘me a re: “Tsohang baena, tsohang. Batlang ho loka, ‘me le eme tlas’a thebe e kholo ea matla a Molimo. Hona ke eona feela polokeho ea lona. Molimo oa le bitsa hore le ‘matle ka boikokobetso bohle ba pelo. Bala thapelo ea Daniele ‘me u shebe hore na uena

maiphihlelo a hau a tla u emela ka nako ea teko. Molimo o fana ka mahlohonolo a maholo ho ba tlang ho eena ka boikokobetso.” –*Letters and Manuscripts*, vol. 18 (1903), p. 1.3014 (18LtMs, Letter 195, 1903) (e qotsuoe hape ho *This Day with God*, p. 258).

Thapelo e bohlokoa haholo, lebaka ke hobane e etsa batho ba lule ba falimehile, hape ba lule ba tsepamisitse maikutlo thomong ea rona ea matsatsi a bofelo. Ho hlokela litaba tsena nako ho ka iphumana ho re beile boemong ba baroetsana ba ba bahlano ba maoatla. Ba ile ba tla monyako o se o koetsoe, ‘me ho kokota

ha ho kaba hoa ba thusa ka letho le le lenyane.

“Baroetsana ba bahlano ba maoatla ba emetse mofuta oa batho o sa tsotelleng, oa ba ikhahi le baikhohomosi, ba nang le sebopeho sa borapeli ba mpa ba latotse matla a bona. Ba na le tebello ea ho kena leholimong ka leleng la matsatsi empa joale ba sa hloekisa meea ea bona ka ho utloa ‘nete. Litaba tsa ‘nete baa li utloa, empa mesebetsi ea bona hohang haena kopano le ‘nete le Molimo. Ba tšepile maikutlo le boikutlo ba bona ba sa natse ho batlisisa mangolo.” – *The Bible Echo*, November 5, 1894.

Moeti oa khitla

Ha re nahana ka bofelo ba lefatše, re hopoleng thuto ea Jesu ha a ruta ka litšoantšo aa bua ka ‘muso oa maholimo. “A re ho bona: Ekare ha e mong ho lona a e-na le motsoalle, ‘me a ea ho eena bosiu bo boholo, a re ho eena: Motsoalle, nkalime mahobe a mararo; hobane molekan'a ka oa moeti o fapohetse ha ka, ‘me ke hloka se nka se beang pel'a hae;” Luka 11:5, 6. “Mona Krete o emela mokopi hobane o ee abe a fane hape le hhape ha ntse re mo kopa. O lokela a fumane bohobe, ho seng joalo o tlo sitoa ho khorisa mpa e lapileng ea motsamai. Le hoja mohaisane oa hae a sa rate ho khathatsoa, akeke a hana kopo ea hae; motsoalle oa hae o lokela ho thusoa; empa

qetellong ea litaba o fumana thuso litlhokong tsa hae tsa lijo.

“Ka tsela e tšoanang barutuoane bane ba lokela ho kopa mahlohonolo ho Molimo.... Hangata ba ka beoa maemong a sa lebelloang, ‘me sena se ka etsa ba hlokomele likhaello tsa bona tsa botho. Meea e lapetseng bohobe ba bophelo e tla tla ho bona, e tla ikutloa e tšerema e feletsoe ke matla. E lokela e fumane lijo tsa semoea, ntle le bona haholo leho leo ba ka fanang ka lona. Leha hole joalo, haholo moea oo ba lokelang ho o thibela.” – *Christ's Object Lessons*, p. 140.

Ena ke thuto ea mang le mang ea phelang nakong ea “khithla” ea nalane ea lefatše lena--- moo tlala ea lentsoe la Molimo e tlang hoba ngata lefatšeng. Ana re itukiselitse ho fana ka bohobe ba moea? Na re bolokile matlotlo a leholimo ao re tla a sebelisa ho hlohonolofatsa babang? “Leholimo lohle le na le thahasello ea ho tsoellisa pele mesebetsi oo Krete a tletseng lefatšeng ho o phetha. Mabotho a leholimo a butse tsela hore ‘nete le leseli li chabele ekasitana le libaka tse lefifi tsa lefatše. Mangelo a emetse ho buisana le ba tla nka karolo mesebetsing oo esaleng o rereloa lilemong tsa khale. Na re tla sitoa ho bontša thahasello mesebetsing oa ho phunyaletsa litoropong tse kholo? Menyetla e mengata e lahleile ke ho sitoa ho etsa

mesebetsi o na oa hang hang, ka bomali-mabe e fetela ruri, lebaka ebile ho sitoa ho tsamaea ka tumelo.” – *Testimonies for the Church*, vol. 9, p. 104.

Mahobe a mararo

Mong'a mokete o ikopetse feela mahobe a mararo. Palo ena ea tharo (3) e hlaha litšoantšong tsa Krete. Ha re tla ho semetho sa lijo “tse tharo,” ke boemo ba tatso ea leholimo habo hlaloso. Jonase o ile a qeta “matsatsi a mararo le masiu a mararo” ka mpendi ea tlhapi. Qetellong ea matsatsi le linako molaetsa oa mangelo a mararo o lokela ho fanoa. Khaitseli ea rona Ellen G. White o ngolile a re: “...ke bile le menyetla e meholo ea hoba le maiphihlelo. Ke bile le ona melaetseng oa lengeloi la pele, la bobeli le la boraro. Melaetsa ena e bontšoa ka mangelo a fofang bohareng ba leholimo le lefatše, a fana ka molaetsa oa tlhokomeliso ho lefatše haholo matsatsing ana a bofelo ruri. Hahona motho ea utloang lentsoe la mangelo ana hobane a tšoantša bana ba Molimo ba sebetsang ‘moho le leholimo. Banna le basali ba fuoeng matla le ho ntlafatsoa ke Moea oa Molimo ba bonahala ba bolela molaetsa oa mangelo a mararo ka tlhahlamano ea ona le ka botebo ab ona” – *Selected Messages*, book 2, p. 387 (also *Life Sketches*, p. 429).

Joalo ka setšoantšong, re lokela hoba le mahobe a mararo re fe lefatše le lapileng lijo. Melaetsa ena ea tlhokomeliso kea ho qetela ho batho bohle, ke ka hoo tlhokomeliso ena e lokelang ho fanoa ka matla. “Molaetsa oa mengeloi a mararo oa Tšenolo 14 o emela batho ba amohelang molaetsa ona oa tlhokomeliso ea lefatše joale ba bile ba nka karolo ea ho hlokomelisa babang ka boemo bona ba litaba ho latela bohlokolosi ba tsona...molaetsa ona u lokela ho bua ka ona uena ngoaneso, ho bina ka ona, hantle lefatše lena le lokela ho tla tlhokomeliso ena, lebaka ke hobane nako ea ona ese e otlile haholo ‘me linaha tsohle li lokela ho o utloa.” –*Counsels for the Church*, p. 58.

Lefatše le timelang

“Tlokotsi e kholo e haufi haholo. Tlokotsi ena e mahlonoko e haufi haholo, empa ka bomali-mabe batho ba tšepetsoeng ho fana ka ona ba bonahala ba iphapantse ba otsetse ba bile ba khalehile.” –*Letters and Manuscripts*, vol. 20 (1905), p. 1.3514 (20LtMs, Manuscript 53, 1905).

Nakong ea Ninive Molimo o ile oa lokela hore o fane ka tlhokomeliso pele sechaba sa mono se senngoa joaloka Sodoma le Gomorrah. Kahlolo e mahlonoko ene e tobile sechaba seo ruri. Jonase ke moporofeta ea ileng a khethoa hore a fane ka tlhokomeliso ea

phohomela. Empa eena o ile a ikhethela ho ipata botebong ba sekepe a leba Tarashishe.

“Joale, mong'a sekepe a mo atamela, a re ho eena: U robaletse'ng? Tsoha, u rapele Molimo oa hao! Ekaba Molimo o tla re hopola, re se ke ra timela.” Jonase 1:6.

Thapelo ea matsatsi a bofelo ke thapelo ea lefatše le timelang. Limilone tsa batho li phela sebeng le lefifing, ba khumamela melingoana, ba rata menate ea nama, ene ha bana tsebo ea tlokotsi etlang e tobile lefatše. Libaesekopo, litaba le boithabiso ho bonahala ele tsona tse nkileng karolo e ngata ho phathahanya batho. Litumelo tsa leshano li bonahala li nkile sebaka se seholo sa ho thetsa batho, ka lithuto tsa litumela khoela ekasita le boporofeta ba bohata le tšepo ea mafeela-feela.

“Nako ena ke ea ho fana ka tlhokomeliso ea lefatše. Hona le matla a ikhethang ho fanoeng hoa ‘nete ea ha joale....” –*Testimonies for the Church*, vol. 6, p. 16.

Thapelo ea matsatsi a bofelo efela ele thapelo ea qetellong. “Re haufi haholo le ho koaloa hoa nalane ea lefatše lena. Ka pel'a rona rena le mosebetsi o moholo---eleng molaetsa oa tlhokomeliso ea ho koala nalane ea lefatše lena le tletseng ka sebe. Molimo ka bohlale ba ona o tla romela banna ho tloha libakeng tse

fapaneng hoea tšimong ea hae ele morena ele ho fana ka molaetsa ona oa matsatsi a bofelo.” –*Gospel Workers* (1915), p. 36.

Rapela ka thata

Setšoantšong sena, Jesu o tiisa molemo oa thapelo. “Kere ho lona: Leha a na a ke ke a tsoha ho mofa kahobane ke motsoalle oa hae, o tla tsoha, a mo fe hole hohle hoo a hlohang ke baka la phehello ea hae.” Luke 11:8,

“Empa mohaisane oa moikhohomosi ha tšoantše semelo sa Molimo. Thuto ena ha e etsoa e re bontša phapang ea Molimo le batho. Monna oa moikhantši ha koptjoa taba o fana ka eona feela ho etsa moleko tloha pela ka. Empa haele Molimo eena o thabela ho fana. O na le kutloelo bohloko ‘me ka mehla o malala-a-laotsoe ho thusa ba hlohang thuso ea hae haholo ha ba mo atamela ka tumelo. O re fa lineo hore re sebeletse babang re be re tšoane le eena.” –*Christ's Object Lessons*, p. 141.

“Thuto ena e tebile ho feta ka tsela eo re ka nahahang ka teng. Re lokela ho lula re kopa, leha eba lithapelo tsa rona li sa arajoe hang-hang.” –*Letters and Manuscripts*, vol. 7 (1891-1892), p. 1.3753 (7LtMs, Letter 17, 1892). Litšepiso tsa morena lia makatsa. “Kopang, ‘me le tla neoa; ea batlang oa fumana; kokotang, ‘me le tla buleloa. Hobane emong le emong ea kopang, oa nenoa;

ea batlang oa fumana, 'me ho buleloa ea kokotang." Matthew 7:7, 8. Molimo setšoantšong sena o fapana le motho ea sa batleng ho fana. Molimo o araba thapelo ea motho ha feela ele molemong oa hore a hlhohonolofale. "Ntat'a motho ke ofe har'a lona, ekareng ha ngoan'a a kopa bohobe ho eena, a ka mo fang lejoe? Leha a kopa hlapi, a ka hla a mofa noha bakeng sa hlapi na? Leha a kopile lehe, a ka mo fa phepheng na? 'Me ha esita lona ba lonya, le tseba ho nea bana ba lona lintho tse molemo, Ntat'a lona ea leholimong o tla fetisisa hakakang ka ho nea Moea o Halalelang ho ba o kopang ho eena!" Luka 11:11, 13.

Tiisetso thapelong ea hlokahala hore motho a atlehe abe a fumane karabo. Hopola ha moporofeta Elia a rapella pula. Ha aka a rapela ha 'ngoe feela, kapa habeli, empa ha supa ho fihlela leru le hlaha sebakeng. Matsatsing ana a bofelo ho hlokahala thapelo ea 'nete enang le tiisetso joalo feela. "Mopholosi oa rona o nkile nako e ngata a le thapelong. O ne a rata ho ba sephiring thabeng moo a neng anka nako le Morena oa hae boinoseng. Ho ngoliloe hothoe: 'Ha a se a rometse matšoele ho tsamaea, eaba o ea thokoana a ea thabeng anto rapela. : eitse ha ho phirima ha bosiu botla, eaba o ba mong. Eitse haeba ka meso a boetse a rapela a le mong. 'Eaba o nyolohela thabeng ho il'o

rapela, eaba o qeta bosiu bohle antse a rapela Molimo. Haeba Jesu o ile a rapela ka thata tje, ho hakae ka rona, hobane re lokela ho kopa ka matla ho Molimo, 'me re betane le eena re re, 'Ha nka ke ka u lesa ua ea, u e-so ho ntlhohonolofatse'" –*The Youth's Instructor*, February 15, 1900.

Jakobo o betana le Molimo

"Ho molemong oa rona ho ba le tumelo le ho fumana poloko. Matla a Molimo ha e-so ho fokotsehe. Ke bone hore matla a hae a khale o ntse aka fana ka ona le nakong eona ena, ka hore o ile a fana ka eona khale, ha ho se ka mo thibelang ha joale. Empa ele kereke ea Molimo e seng e sa itšoarelle ka thata ho kopeng matla ana, ho loana joaloka ha Jakobo a kile a etsa 'me a re: ' Ha nka ke ka u lesa ua ea, u e-so ho ntlhohonolofatse.' Tumelo enang le tiisetso e bonahala entse e shoa butle-butle. E tlameha e tsosolosoe lipelong tsa bana ba Molimo. Ho tlameha ho be le boitseko malebana le litlhohonolofatso tsa Molimo. Tumelo ea 'nete e lula e phahamisa khanya ea Molimo, haele ho selumele hona hoa tepeletse, ho nyotobetsa le ho tlisa lefifi bophelong ba motho." – *Testimonies for the Church*, vol. 1, p. 144.

A re tsoheng re rapeleng, a re fumaneng bohobe ba

bophelo re be re bofe bana babang ba bo rona, a re keng re fumaneng maiphihlelo a lokelang nakong ena ea bofelo.

Moea o mong le o mong o phonyohang timelo ke moqhaka ho Jesu. Amen!



International Missionary Society
Seventh-day Adventist Church,
Reform Movement
General Conference